



西漢會要卷三十四

宋 徐 天 麟

職官四

封建

封功臣

漢興自秦二世元年之秋楚陳之歲初以沛公總帥雄
俊三年然後西滅秦立漢王之號五年東克項羽即皇
帝位八年而天下乃平始論功而定封訖十二年侯者

都民人散亡戶口可得而數



表

萬家小者五六百戶封爵之

誓曰使黃河如帶泰山若厲國以永存爰及苗裔於是

申以丹書之信重以白馬之盟又作十八侯之位次孟康

曰唯作元功蕭曹等十八人位次耳高后乃詔作位次

下竟師古曰謂蕭何曹參張敖周勃樊噲酈商奚涓夏

侯嬰灌嬰傅寬靳歙王陵陳武王吸薛

歐周昌丁復蟲達從第一至十八也高后二年復詔

丞相陳平盡差列侯之功錄第下竟藏諸宗廟副在有

司始未嘗不欲固根本而枝葉稍落也逮文景四五世

間流民既歸戶口亦息列侯大者至三四萬戶小國自

倍富厚如之子孫驕逸忘其先祖之艱難多陷法禁隕

命亡國或云子孫訖于孝武後元之年靡有子遺耗矣

罔亦少密焉故孝宣皇帝愍而錄之乃開廟藏覽舊籍

詔令有司求其子孫咸出庸保之中並受復除或加以

金帛用章中興之德降及孝成復加卹問稍益衰微不

絕如綫善乎杜業之納說也曰昔唐以萬國致時雍之

政虞夏以之多羣后饗共已之治湯法三聖殷氏太平

周封八百重譯來賀是以內怨之君樂繼絕世隆名之

主安立亡國至於不及下車德念深矣成王察牧野之

克頌於民心功光于王府也故追

述先

策高其位大其寓愛敬飭盡命

賜備厚大孝之隆於是爲至至其沒也世主歎其功無民而不思所息之樹且猶不伐況其廟乎是以燕齊之祀與周並傳子繼弟及歷載不墮豈無刑辟繇祖之竭力故支庶賴焉迹漢功臣亦皆剖符世爵受山河之誓存以著其號亡以顯其魂賞亦不細矣百餘年間而襲封者盡或絕失姓或乏無主朽骨孤於墓苗裔流於道生爲愍隸死爲轉屍以往況今甚可悲傷聖朝憐閔詔求其後四方忻忻靡不歸心出入數年而不省察恐議

者不思大義設言虛亡則厚德掩息遼東布章非所以視化勸後也三人爲衆雖難盡繼宜從尤功於是成帝復紹蕭何哀平之世增修曹參周勃之屬得其宜矣以綴續前記究其本末并序位次盡于孝文以昭元功之

侯籍

功臣表

高帝與功臣剖符作誓丹書鐵契金匱石室藏之宗廟列侯畢已受封奏位次皆曰平陽侯曹參功最多宜第一然上心欲何爲第一鄂千秋曰蕭何當第一參次之

上乃

十二

天子帝有天下十二年于今矣與

天下之豪士共定天下同安輯之其有功者十致之王
次爲列侯下乃食邑而重臣之親或爲列侯皆令自致
吏得賦歛女子公主爲列侯食邑者皆佩之印賜大第
室吏二千石徙之長安受小第室入蜀漢定三秦者皆
世世復吾于天下功臣可謂亡負矣云云

本紀

高后二年詔曰高皇帝匡飭天下諸有功者皆受分地
爲列侯朕思念至于久遠而功名不著亡以尊大誼施
後世今欲差次列侯功以定朝位藏于高廟世世勿絕

嗣子各襲其功位其與列侯議定奏之丞相臣平言謹

與絳侯臣勃曲周侯臣商穎陰侯臣嬰安國侯臣陵等

議列侯幸得賜餐錢奉邑陛下加惠臣功次定朝位臣

請藏高廟奏可

本紀

封外戚

高后欲立諸呂爲王問王陵陵曰高皇帝刑白馬而盟
曰非劉氏而王者天下共擊之今王呂氏非約也太后
不說問左丞相平及絳侯周勃等皆曰高帝定天下王
子弟

王昆弟諸呂無所不可太后喜罷

朝陵

高帝啜血而盟諸君不在邪今高

帝崩太后女主欲王呂氏諸君縱欲阿意背約何面目

見高帝于地下乎平日于面折廷爭不臣如君全社稷

安劉氏後君亦不如臣陵無以應之

王陵傳

周亞夫為丞相竇太后曰皇后兄王信可侯也上曰始

南皮及章武先帝不侯

師古曰南皮竇彭祖太后弟長君之子章武太后母弟廣國

及臣即位乃侯之信未得封也竇太后曰人生各以時

行耳竇長君在時不得侯死後乃其子彭祖顧得侯吾

其恨之帝趣侯信也上曰請得與丞相計之亞夫曰高

帝約非劉氏不得王非有功不得侯不如約天下共擊

之今信雖皇后兄無功侯之非約也上默然而沮

亞夫傳

漢興外戚與定天下侯者二人故誓曰非劉氏不王若

有亡功非上所置而侯者天下共誅之是以高后欲王

諸呂王陵廷爭孝景將侯王氏修侯犯色卒用廢黜是

後薄昭竇嬰上官衛霍之侯以功受爵其餘后父據春

秋褒紀之義帝舅緣大雅申伯之意寔廣博矣

外戚恩澤表

成帝河平二年六月悉封諸舅王譚為平阿侯商為成

都侯

皆為高平侯五人同日封故世謂

之

嫁爲河內苟賓妻生子參太后

欲田蚡爲比而封之上曰封田氏非正也以參爲侍中

水衡都尉

元后傳

哀帝欲封祖母傅太后從弟商鄭崇諫曰孝成皇帝封親舅五侯天爲赤黃書昏日中有黑氣今祖母從昆弟二人已侯孔鄉侯皇后父高武侯以三公封尙有因緣今無故欲復封商壞亂制度逆天人心非傅氏之福也臣聞師曰逆陽者厥極弱逆陰者厥極凶短折犯人者有亂亡之患犯神者有疾天之禍故周公著戒曰惟王

不知艱難唯耽樂是從時亦罔有克壽故衰世之君天折蚤沒此皆犯陰之害也臣願以身命當國咎崇因持詔書案起傅太后大怒曰何有爲天子乃反爲一臣所顛制邪上遂下詔曰朕幼而孤皇太后躬自養育免于襁褓教道以禮至于成人惠澤茂焉欲報之德俾天罔極前追號皇太后父爲崇祖侯惟念德報未殊朕甚惡焉侍中光祿大夫商皇太后父同產子小自保大恩義最親其封商爲汝昌侯爲崇祖侯後更號崇祖侯焉

元朔中公孫宏代薛澤為丞相先是漢常以列侯為丞
相唯宏無爵上于是下詔曰朕嘉先聖之道開廣門路
宣招四方之士蓋古者任賢而序位量能以授官勞大
者厥祿厚德盛者獲爵尊故武功以顯重而文德以行
褒其以高成之平津鄉戶六百五十封丞相安為平津
侯其後以為故事至丞相封自安始也本傳
孝武元功宿將略盡會上亦興文學進拔幽隱公孫宏
自海瀕而登宰相于是寵以列侯之爵自是之後宰相

畢侯矣

恩澤侯表

朱博為丞相封陽鄉侯食邑二千戶上書曰故事封丞
相不滿千戶而臣過制願還千戶本傳

平當為御史大夫至丞相以冬月賜爵關內侯本傳漢儀注御

史大夫為丞相更春乃封李奇日以冬月非封侯時

遣列侯就國

文帝二年十月詔曰朕聞古者諸侯建國千餘各守其
地以時人貢民不勞苦上下驩欣靡有違德今列侯多
居長

輸費苦而列侯亦無繇教訓其民

其令

久詔所止者遣太子

本紀下同

三年十一月詔曰前日詔遣列侯之國辭未行丞相朕

之所重其為朕率列侯之國遂免丞相勃遣就國

景帝二年十月省徹侯之國

晉灼曰文帝遣列侯之國今省之

繼絕世

高帝五年下令曰楚地已定義帝亡後欲存恤楚眾以

定其主齊王信習楚風俗更立為楚王

本紀

孝文元年更封蕭延為鄼侯

功臣表

孝景二年封故相國蕭何孫係為列侯

中元元年封故御史大夫周苛周昌孫子為列侯

孝武元光三年封高祖功臣五人後為列侯

元狩二年封故相國蕭何曾孫慶為列侯

孝宣地節二年詔大司馬大將軍博陵侯功德茂盛朕

甚嘉之復其後世疇其爵邑世世毋有所與功如蕭相

國

地節四年封故鄼侯蕭何曾孫建世為侯

元康元年復高皇帝功臣絳侯周勃等百三十六人家

子孫

勿絕其毋嗣者復其次

並本紀

功臣

後元之年靡有子遺耗矣故孝宣

皇帝愍而錄之乃開廟藏覽舊籍詔令有司求其子孫咸出庸保之中並受復除或加以金帛用章中興之德降及孝成復加卹問稍益衰微不絕如綫杜業納說曰內恕之君樂繼絕世隆名之主安立亡國迹漢功臣亦皆割符世爵受山河之誓存以著其號亡以顯其魂賞亦不細矣百餘年間而襲封者盡或絕失姓或乏無主朽骨孤于墓苗裔流于道生爲愍隸死爲轉屍以往況今甚可悲傷聖朝憐憫詔求其後四方忻忻靡不歸心

出入數年而不省察恐議者不思大義設言虛亡則厚德掩息邈柬布章非所以視化勸後也三人爲衆雖難盡繼宜從尤功于是成帝復紹蕭何袁平之世增修曹參周勃之屬得其宜矣

功臣表

元康四年賜故右扶風尹翁歸子黃金百斤以奉其祭祀又賜功臣適後黃金人二十斤

本紀

成帝元延元年封蕭相國後喜爲鄼侯

本紀

孝平元始二年封故大司馬博陸侯霍光從父昆弟曾

孫陽

孫慶忌周勃元孫共

按本傳乃元孫之子恭

舞陽

子章皆為列侯復爵賜故曲周侯

酈商等後元孫酈明友等百一十三人爵關內侯食邑

各有差

紀本

元始中太皇太后詔賜公孫宏後子孫之次當為後者

爵關內侯故詣公車上名尚書朕親臨拜焉

史記外孫宏傳

王四夷君長

高帝五年詔曰故粵王亡諸世奉粵祀秦侵奪其地使其社稷不得血食諸侯伐秦亡諸身帥閩中兵以佐滅秦項羽廢而弗立今以為閩粵王王閩中地勿使失職

紀本

十一年五月詔曰粵人之俗好相攻擊前時秦徙中縣之民南方三郡使與百粵雜處會天下誅秦南海尉它居南方長治之甚有文理中縣人以故不耗滅粵人相攻擊之俗益止俱賴其力今立它為南粵王使陸賈即

授璽綬它稽首稱臣

紀本

十二年詔曰南武侯織亦粵之世也立以為南海王

紀本

孝惠三年舉高帝時粵功曰閩君搖功多其民便附乃

立搖

瓠世號曰東瓠王

閩粵傳

武帝

王胡遣太子嬰齊入宿衛元鼎四

年上書請北內諸侯三歲一朝除邊關於是天子許之

賜其丞相呂嘉銀印及中尉太傅印餘得自置

本傳

建元六年閩粵王郢攻南粵粵人殺郢降天子曰郢等

首惡獨無諸孫繇君丑不與謀乃使郎中將立丑為粵

繇王奉閩粵祭祀

本傳

孝昭始元六年詔曰鈞町侯母波率其君長人民擊反

者斬首捕虜有功其立母波為鈞町王

本紀

匈奴故印文曰匈奴單于璽

本傳王莽更曰新匈奴單于章

西南夷君長以百入

越本作數謝本作入

獨夜郎滇受王印

本傳

傅介子斬樓蘭王馳傳詣闕乃立王弟尉屠耆為王更

名其國為鄯善為刻印章賜以宮女為夫人

西域傳

關都尉文忠攻罽賓殺其王立陰未赴為罽賓王

同

西域凡國五十自譯長城長君監吏大祿百長千長都

尉且渠當戶將相至侯王皆佩漢印綬凡三百七十六

人

本傳

侯降虜

昔嘗

云徐方既徠春秋列潞子之爵許

其慕言

于孝文時乃有弓高襄城之封雖

自外依本功臣後故至孝景始欲侯降者丞相周亞夫

守約而爭帝黜其議初開封賞之科功臣表下

匈奴士徐盧等五人降漢師古曰功臣表曰雖徐盧上欲侯之以勸

後亞夫曰彼背其主降陛下陛下侯之即何以責人臣

不守節者乎上曰丞相議不可用乃悉封徐盧等為列

侯周亞夫傳

封方士

藥大見武帝言黃金可成而河決可塞不死之藥可得

僊人可致也上乃拜大為五利將軍居月餘得四印得
天士將軍地士將軍大通將軍詔以二千戶封地士將
軍大為樂通侯賜列侯甲第郊祀志

婦人爵邑

高帝封兄伯妻為陰安侯文紀蘇林曰高帝兄伯妻羹頡侯母邱嫂也

高后二年封蕭何夫人為鄼侯蕭何傳

樊噲妻呂類為臨光侯樊噲傳

列侯太夫人夫人文紀七年如淳曰列侯之妻稱夫人列侯死子復為列侯乃稱太夫人子

不為列侯
不得

孝文十二侯王女邑各二千戶本紀

武帝尊王皇后母臧兒為平原君外戚傳

王皇后前夫金氏女封脩成君賜湯沐邑同

宣帝地節四年賜外祖母號為博平君以博平蠶吾兩

縣戶萬一千為湯沐邑王夫人傳

金當上南大行為太夫人金日磾傳文穎曰南當母名也上名狀于大布

王莽母賜號曰功顯君王莽傳

平帝賜三妹謁臣號脩義君哉皮為承禮君鬲子為尊

德君食邑各二千戶衛姬傳按本紀云賜帝女第四人號皆為君今傳云三妹與紀不同

當考

王莽白尊太后姊妹君俠為廣恩君君力為廣惠君君

弟為廣施君皆食湯沐邑元后傳

封建雜錄

列侯所食縣曰國百官表

高帝十二年詔列侯皆令自致吏得賦斂女子公主為

列侯食邑者佩之印賜大第室本紀

列侯賜餐錢奉邑呂后紀應劭云諸侯四時皆得賜餐錢

秦漢之禮記 呂食租稅歲率戶二百千戶之君則

五

二十萬

其中

貨殖傳

孝武元鼎五年九月列侯坐獻黃金酎祭宗廟不如法

奪爵者百六人

本紀漢儀注云諸侯歲以戶口耐黃金於高廟

孝宣地節四年襄隄侯聖坐耐金斤八兩少四兩免

五鳳四年朝節侯固城坐耐金少四兩免楊邱侯偃坐

出國外削為司寇

列侯坐罪奪爵者多矣略舉數條以為例以上並見王子侯表

終陵侯華祿坐出界耐為司寇

功臣表

祚陽侯仁坐擅興繇賦削爵一級

此類甚多皆不具載

孝景中二年令列侯初封及之國大鴻臚奏策列侯薨

葬國得發民輓喪穿復土治墳無過三百人畢事

本紀

西漢會要卷三十五

宋

徐

天

麟

撰

職官五

加官

侍中左右曹諸吏散騎中常侍皆加官所加或列侯將軍卿大夫將都尉尚書太醫太官令至郎中亡員多至數十人侍中中常侍得入禁中諸曹受尚書事諸吏得舉法散騎騎並乘輿車給事中亦加官所加或大夫博士議郎

尉位次中常侍中黃門有給事黃門

位從

制表 百官

西域都護加官

見三十二卷 西域都護條

爵

爵一級曰公士二上造三簪袅四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯皆秦制以賞功勞徹侯金印紫綬避武帝諱曰通侯或曰列侯改所食國令長名相又有家丞門大夫庶子百官

表

高帝五年詔曰軍吏卒會赦其七大夫以上

師古曰七大夫公大

也皆令食邑非七大夫以下皆復其身及戶勿事

木紀下同

又曰七大夫公乘以上皆高爵也爵或人君上所尊禮異日秦民爵公大夫以上令丞與亢禮今吾子爵非輕也且法以有功勞行田宅其令諸吏善遇高爵稱吾意且廉問有不如吾詔者以重論之

八年令爵非公乘以上毋得冠劉氏冠

孝惠卽位

夫以上有罪當盜械者皆頌繫上造

所

以上當尹... 坊曰春者皆耐為鬼薪白粲

武帝時民多買復及五大夫千夫于是除千夫五大夫

為吏食貨志

舊爵

上聞

古爵呂氏春秋曰天子賞魏文侯以上聞晉灼曰名通於天子也

樊噲自公大夫賜上聞爵

本傳

執帛

鄭氏曰楚爵也張晏曰孤卿也

曹參自五大夫封執帛號建成君

本傳

夏侯嬰賜爵七大夫賜爵五大夫賜爵執帛

本傳

執珪

如淳曰呂氏春秋得伍員者位執珪古爵名也張晏曰侯伯執珪以朝位比之

夏侯嬰賜爵執帛賜爵執珪賜爵封

本傳

曹參封執帛遷為執珪封建成侯

本傳

卿

樊噲賜爵五大夫賜爵卿

本傳

傅寬賜爵卿

本傳

封君

賜重封

叔孫通號稷嗣君

本傳下同

婁敬號

司寇

侯公

曹參自五大夫封執帛號建成君本傳下同

樊噲賜爵封號賢成君破南陽賜重封

傅寬賜爵卿封號共德君

孔霸以帝師賜爵號褒成君孔光傳

武功爵

武帝元朔六年詔曰日者大將軍巡朔方征匈奴斬首虜萬八千級諸禁錮及有過者咸蒙厚賞得免減罪今大將軍仍復克獲斬首虜萬九千級受爵賞而欲移賣

者無所流馳其議為令有司奏請置武功賞官以寵戰

上紀本

武功爵臣瓚曰茂陵中書有武功爵一級曰造士二級曰閑與衛三級曰良士四級曰元戎七級曰

百首六級曰乘鐸七級曰千夫八級曰樂卿九級曰執戎十級曰攻戾庶長十一級曰軍衛此武帝所制以寵

軍功師古曰此下云級十七萬凡直三十餘萬金今瓚所引茂陵中書止於十一級則計數不足與本文乖矣

或者茂陵書說之不盡也級十七萬凡直三十餘萬金諸買武功爵

官首者試補吏先除千夫如五大夫其有罪又減二等

爵得至樂卿以顯軍功軍功多用超等火者封侯卿大

夫小者事食貨

賜爵

立漢社稷

高帝二年令民立漢社稷施恩德賜民爵紀本

即位

孝惠即位賜民爵一級中郎郎中滿六歲爵三級四歲二級外郎滿六歲二級中郎不滿一歲一級宦官尚食比郎中太子御驂乘賜爵五大夫舍人滿五歲

二級紀本

立皇太子

孝文元年建太子因賜天下民當為父後者爵一級

紀本

王皇子

孝景三年立皇子為王賜民爵一級紀本

皇太子冠

孝景後三年皇太子冠賜民為父後者爵一級紀本

改元

孝景中元年赦天下賜民爵一級紀本

後元年赦天下賜民爵一級中二千石諸侯相爵石

石

五

庶長紀

征伐

高帝五年詔曰軍吏卒會赦其亡罪而亡爵及不滿大夫者皆賜爵為大夫故大夫以上賜爵各一級其七大夫以上皆令食邑本紀

力役

孝惠五年長安城成賜民爵戶一級本紀

募民徙塞

鼂錯言守邊備塞事曰募輸奴婢欲以拜爵者不足

乃募民之欲往者皆賜高爵復其家郡縣之民得買其爵以增至卿上從其言募民徙塞下本紀

郊祀

孝武元鼎四年行幸雍祠五畤賜民爵一級女子百

戶牛酒本紀

祥瑞

孝宣本始元年鳳皇集膠東千乘賜吏二千石諸侯相下至中都官官吏六百石爵各有差自左更至五大夫賜爵一級本紀

帝加元服

孝昭元鳳四年帝加元服賜中二千石以下及天下

民爵

本紀

尊廟號

孝宣本始二年尊孝武廟為世宗廟巡狩所幸之郡

國皆立廟賜民爵一級

本紀

褒吏治

孝宣神爵四年潁川太守黃霸以治行賜爵及潁川

吏民有行義者爵人二級力田一級貞婦順女帛

本紀

災異

孝元永光二年詔陰陽不調三光晦昧其大赦天下

賜民爵一級吏六百石以上爵五大夫勤事吏各三

級

本紀

匈奴朝

孝成河平四年匈奴來朝赦天下徒賜孝弟力田爵

二級

本紀

賜民爵

高紀臣瓚曰民賜爵罪得以減也

賜民爵

一及師古曰家長受

賜天下臣民爵一級

師古曰雖非已生正嫡但為後者即得賜爵

孝惠六年夏旱令民得賣爵

元光元年賜民長子爵一級

武紀

鬻爵

孝惠元年民有罪得賣爵三十級以免死罪

應劭曰一級直錢二

千凡為六萬見本紀

鼂錯說上曰今募天下入粟縣官得以拜爵得以除罪

入粟受爵至五大夫以上乃復一人耳于是文帝從錯

之言令民入粟邊六百石爵上造稍增至四千石為五

大夫萬二千石為大庶長各以多少級數有差

食貨志

又言募民徙塞事募不足募輸奴婢欲以拜爵者上從

其言

鼂錯傳

景帝上郡以西旱復修賣爵令而裁其賈以招民

食貨志

武帝時兵革數動民多買復及五大夫千夫調發之士

益鮮于是除五大夫千夫為吏

同上

孝成鴻嘉三年令吏民得買爵賈級千錢

本紀

永始二年詔曰關東比歲不登吏民以義收食貧民入

穀物助原言者已賜直其百萬以上加賜爵右更

欲為吏祿三石其吏也遷二等三十萬以上賜爵五大夫吏亦遷二等民補郎本紀

西漢會要卷三十六

職官六

特進

宋 徐 天 麟 撰

王譚位特進領城門兵

外戚傳按漢雜事諸侯功德優盛朝廷所敬異者賜位特進

王商位特進領城門兵置幕府得舉吏如將軍

元后傳

傅喜位特進奉朝請

薛宣所寵特進位次師安昌侯給事中視尚書事

張禹以列侯月月望位特進見禮如丞相置從事史五

人並本傳

領尚書事

霍光以大將軍領尚書事

張安世以車騎將軍領尚書事又以衛將軍領尚書事

師丹以左將軍領尚書事

蕭望之以前將軍領尚書事並本傳

王鳳以大司馬領尚書事元后傳

鄭寬中以光祿大夫領尚書事張山拊傳

孔光以光祿勳領尚書事

張禹以光祿大夫領尚書事

霍山以奉車都尉領尚書事

周堪以光祿大夫領尚書事並本傳

車騎將軍王音內領尚書外典兵馬母將隆傳

史高以外屬為大司馬車騎將軍領尚書事匡衡傳

平尚書事

于定國以光祿大夫平尚書事

張敞以中大夫平尚書事並本傳

領他事

桑宏羊為并夏者尉領大農食貨志

東邪咸陽孔僅為大農丞領鹽鐵事食貨志

霍山奉車都尉侍中領胡越兵霍光傳

孔光為帝太傅領宿衛本傳

王譚王商位特進領城門兵元后傳

金涉為侍中騎都尉領三輔胡越騎金日磾傳

鍾元為尚書令領廷尉何並傳

劉向以故九卿召拜為郎中領護三輔都水

息夫躬以左曹光祿大夫使持節領護三輔都水

馮參為諫大夫領護左馮翊都水

劉向為光祿大夫領校中五經秘書

劉歆河平中受詔與父同領校秘書並本傳

兼官

張安世車騎將軍光祿勳又遷右將軍光祿勳霍光傳

宣帝徙度遼將軍未央衛尉范明友為光祿勳霍光傳

宣帝拜蕭望之為前將軍光祿勳

趙充國擢為後將軍兼水衡都尉征匈奴還為後將軍

少府並本傳

王莽為右將軍龍尉百官表

右將軍典屬國常惠馮奉世

王尊轉守槐里兼行美陽令事並本傳

行官闕則卑者攝為之曰行

張湯韓安國並以御史大夫行丞相事本傳

平陽侯曹窋行御史大夫事高后本紀八年劉敞曰按表及周昌傳高后四年窋

為御史大夫誅諸呂後免則非行也疑此紀誤

太僕臣賀行御史大夫事三王世家

行太常事太中大夫劉歆孝平王后傳

汾陽侯靳石為太常行太僕事功臣表下同

韓延年為太常行大行令事

行大鴻臚事少府樂成霍光傳

太子少傅臣安行宗正事三王世家

少府忠行廷尉事

王溫舒為右輔行中尉

留侯張良行太子少傅事

黃霸廷尉行丞相長史事

蓋寬饒東大行郎中戶將事

王尊守京輔都尉行京兆尹事

劉德宗正行京兆尹事

翟義南陽都尉行太守事

王尊轉守槐里兼行美陽令事並本傳

守如淳曰諸官初加皆試守一歲遷為真食全奉

朱雲以六百石秩試守御史大夫本傳

光祿大夫劉辟彊守長樂衛尉楚元王傳

守少府蕭望之蕭望之傳

蕭育泰山太守入守大鴻臚同上

執金吾任宏守大鴻臚哀紀

御史臣光守尚書令三王世家

趙廣漢京輔都尉守京兆尹

龔勝光祿大夫守右扶風

王訢為右輔都尉守右扶風武帝出駐車拜訢為真

薛宣入守左馮翊滿歲稱職為真

朱博以高第入守左馮翊滿歲為真並本傳

守丞相長史邊通張湯傳

守軍正丞月婁

守廷尉史出澄翁

張敞守太原太守

王尊守京輔都尉並本傳

茂陵守令尹公傳

華陰守丞嘉朱雲傳

假假攝也

漢二年拜曹參為假左丞相入屯兵關中本傳

假稻田使者燕倉昭紀

趙充國以假司馬從貳師將軍本傳

軍候假丞杜勳陳湯傳

宿衛

漢二年六月漢王還櫟陽令諸侯子在關中者皆集櫟

陽為衛高紀

高帝崩陳平畏讒固請之得宿衛陳平傳

高后二年齊哀王遣弟章入宿衛於漢封朱虛侯四年

封章弟興居為東牟侯皆宿衛長安史記齊悼惠王世家

文帝入未央宮有謁者十人持戟衛端門周勃傳

武帝時董仲舒對策曰使諸列侯郡守二千石各擇其

吏民之賢者豈真各二人以給宿衛本傳

終軍曰得列宿衛食祿五年本傳

王臧上書宿衛累遷一歲至郎中令申公傳

張安世輔政宿衛十有三年封為富平侯張湯傳

昭帝時燕王旦上書願歸符璽入宿衛本傳

宣帝地節二年詔曰博陸侯宿衛武帝三十餘年宣紀

陽城侯劉德親親行謹厚以德得官宿衛者二十餘年

楚元王傳

魏相奏張安世子延壽重厚可以為光祿勳領宿衛臣

張湯傳

楊惲與孫會宗書曰幸賴先人餘業得備宿衛本傳

馮參為黃門郎給事中宿衛十餘年本傳

孔光為帝太傅位四輔給事中領宿衛本傳

成帝詔曰車騎將軍王音宿衛忠正勤勞王家元后傳

元后益封孔光詔曰博山侯光宿衛四世世為傅相光

祿勳豐宿衛三世奉車都尉甄邯宿衛勤勞建議定策

王莽傳

待詔

尚方待詔

志

待詔金馬門

公孫宏劉向馮商張子儵華龍柳褒

待詔公車

東方朔朱買臣谷永

待詔承明之庭

揚雄

待詔殿中

韓生以易召待詔殿中

待詔五柞宮

執金吾廣意

待詔丞相府

劉德

待詔宦者署

東方朔蘇武劉歆翼奉

待詔黃門

李尋梁邱賀

武帝詔求能為韓詩者召蔡義待詔

蔡義傳

伍宏以醫待詔

董賢傳

吾邱壽王以善格玉待詔

本傳

宣帝詔見王褒以為待詔

何武傳

魏相奏言知音善鼓琴者趙定龔德皆召見待詔

王褒傳

本草待詔

郊祀志

成帝時言祭祀方術者皆得待詔

郊祀志

上計

孝武元封五年二月至泰山增封因朝諸侯王列侯受

郡國計

才曰若今之諸州計帳也

太初元年春受計于甘泉

本紀下同

天漢三年三月行幸泰山修封祀明堂因受計

太始四年三月行幸泰山因受計

孝宣黃龍元年詔曰上計簿具文而已務為欺謾以避

其諛御史察計簿非實者按之使其偽毋相亂

本紀徐天麟謹

按通典云漢制郡守歲盡遣上計掾史各一人條上郡內眾事謂之計簿

嚴助願奉三年計最

本傳如淳曰舊法當使丞奉計今躬自願入奉也

京房為魏郡太守自請歲竟乘傳奏事天子許焉

本傳

張蒼為計相一月更以列侯為主計四歲蕭何為相國

令蒼以列侯居相府領郡國上計者

本傳

司隸校尉奏丞相衡位三公領計簿而專地盜土

匡衡

郝賢坐為上谷太守入戍卒財物計謾免

功臣表

西漢會要卷三十七

職官七

秩祿

萬石穀月三百五十斛

太師

太傅

太保

丞相

太尉

御史大夫

前後左右將軍

並百官表下同

中二千石師古曰中二千石實得二千石也中之言滿也

六十石言
三者舉成數耳

太常

光祿勳

衛尉

太僕

廷尉

大鴻臚

宗正

大司農

少府

執金吾

真二千石

徐天麟謹按外戚傳俗華秩視真二千石在
中二千石之下二千石之上師古曰真二千

石月得百五十斛一歲凡得千八百石又按如淳注
汲黯傳亦云諸侯相秩真二千石月得百五十斛臣

瓚注詹事引茂陵書秩真二千石而百
官表乃亡此秩欠考東京則有此秩矣

二千石

師古曰穀月百二十斛一
歲凡得一千四百四十石

太子太傅

荀悅漢紀自太子太
傅至扶風比二千石

太子少傅

詹事

茂陵書秩
真二千石

將作少府

大長秋

長樂少府

建平四年太后各
置少府皆中二千石

長信少府

典屬國

水衡都尉

京兆尹

左馮翊

右扶風

京輔都尉

左輔都尉

右輔都尉

奇隸校尉

校尉並比
二千石

城門校尉

中壘校尉

屯騎校尉

步兵校尉

越騎校尉

長水校尉

胡騎校尉

射聲校尉

虎賁校尉

諸侯相

初金印吳楚反後改銀印初真二千石在郡守

郡太守

增秩者為中二千石元帝建昭二年益三河大郡太守秩

長信中太僕

諸侯太傅

諸侯御史大夫

諸侯中尉

哀帝曰傳

相中尉皆國千石

中少府

左曹

右曹

大郡都尉

元帝紀

州牧

朱博傳秩真二千石

長陵令

呂后六年秩長陵令二千石

大內

史記卷景本紀

比二千石

穀月百斛

丞相司直

護軍都尉

光祿大夫

白印綴增

秩者為中二千石

五官中郎將

左中郎將

右中郎將

虎賁中郎將

監羽林中郎將

西域都護

奉車都尉

駙馬都尉

騎都尉

郡都尉

千石

穀月九十斛

丞相長史

大司馬長史

御史中丞

將軍長史

太常丞

光祿丞

衛尉丞

六典注此千石

太僕丞

大鴻臚丞

宗正丞

大司農丞

少府丞

執金吾丞

廷尉正監

廷尉左監

廷尉右監漢紀正 諸侯郎中令

諸侯僕武帝損郎中令秩千石僕秩亦千石

萬戶縣令

比千石穀月八十斛

太中大夫 郎中車將 郎中戶將

郎中騎將 謁者僕射 期門僕射

八百石成帝陽朔二年除吏八百石秩李奇曰除八百就六百

比八百石

諫大夫

六百石穀月七十斛

將作少府丞 詹事丞 水衡都尉丞

廷尉左平 廷尉右平 京兆丞

左馮翊丞 右扶風丞 京輔都尉丞

左輔都尉丞 右輔都尉丞 郡長史

州刺史 郡太守丞 郡都尉丞

萬戶縣令 朔方刺史 太子門大夫

太子庶子 太常掌故鼂錯傳 武騎常侍司馬相如傳

公車司馬令 大廄令 未央令

家馬令 車府令 路輪令

騎馬令

駿馬令

式道左候

式道右候

式道中候

廩犧令

外史

平紀

閹師

平紀

比六百石

穀月六
十斛

博士

議郎

左中郎

右中郎

五官中郎

戊巳校尉

太子洗馬

謁者

五百石

成帝陽朔二年除吏五百石
秩李奇曰除五百就四百

縣長

四百石

穀月五
十斛

縣丞

縣尉

比四百石

穀月四
十五斛

五官侍郎

左侍郎

右侍郎

三百石

穀月四
十斛

次縣長

比三百石

穀月三
十七斛

五官郎中

左郎中

右郎中

二百石

穀月三
十斛

左馮翊卒史

黃霸傳

縣丞

縣尉

比三百石

穀月廿七斛

式源中

式源中

百石

穀月廿七斛

御史屬

史記匡衡傳

左右內史卒史

郡國五經卒史

大行卒史

以上儒林傳

長安游徼

長安獄吏

趙廣

漢傳

比百石

斗食

百石以下有斗食之秩師古曰斗食者言一歲不滿百石日食一斗二升

佐史

漢官名師古曰斗食謂佐史也以上並百官表

增秩

汲黯以諸侯相秩居淮陽

本傳

詔增符璽郎秩二等

霍光傳

宣帝時二千石有治理効輒以璽書勉厲增秩賜金

循吏

傳如淳曰太守號二千石有千石八百石居者功德茂異乃得滿秩

王成爲膠東相治甚有聲宣帝最先褒之下詔曰膠東相成治有異等其賜成爵關內侯秩中二千石

潁川太守黃霸秩以八百石居以治行褒揚秩中二千石

召信臣為南陽太守為百姓興利又為河南太守治行

第一數增秩賜金以上並本傳

周堪召拜光祿大夫秩中二千石此類甚多舉一為例

小黃令焦延壽舉最當遷三老官屬上書借留有詔許

增秩留京房傳

馮野王為大鴻臚王舅不宜備九卿以秩出為上郡太

守馮奉世傳

班伯遷水衡都尉秩中二千石叙傳

蕭咸為宏農河東太守所居有政迹數增秩賜金

蕭由遷江夏太守平江賊成重等有功增秩並蕭望之傳

陳立為巴郡太守秩中二千石居西傳

元始元年賜吏在位二百石以上一切滿秩如真平紀

益吏祿

孝惠卽位詔曰吏所以治民也能盡其治則民賴之故重其祿所以為民也

孝宣神爵三年詔曰吏不廉平則治道衰今小吏皆勤

事而奉祿薄欲其毋侵漁百姓難矣其益吏百石以下

奉十五韋昭曰若食一斛則益五斗

孝成綏和元年益大司馬大司空奉如丞相以上並本紀

班序

太師位在太傅上太保次太傅太傅位在三公上百官表

武帝以衛青為大將軍位在公上通志職官畧

漢興置大將軍驃騎位次丞相蔡質漢儀

舊列侯奉朝請者位次三公後漢百官志

元壽二年賜大司馬位在司徒上

御史大夫位上卿

前後左右將軍位上卿

詹事位在長秋上

中太僕位在正卿太僕上

給事中位次中常侍中以上並百官表

故事司隸校尉位在司直下其有所會居二千石前翟方

進傳

諸侯羣臣朝十月儀先平明謁者治禮引以次入殿門

傳曰趨殿下郎中俠陛陛數百人功臣列侯諸將軍軍

吏以次陳西方東鄉文官丞相以下陳東方西鄉大行

設九賓臚句傳于是皇帝輦出房引諸侯王以下至吏

六百石以次奉賀

叔孫通傳

諸侯王

相國

太師

太傅

太保

丞相

大司馬

御史大夫

大將軍

列將軍兼官

特進

列將軍

列侯奉朝請

太常

光祿勳

偏尉

太僕

廷尉

宗正

大司農

大鴻臚

少府

長信少府

中少府

執金吾

太子太傅

水衡都尉

京兆尹

左馮翊

右扶風

典屬國

將作少府

就國侯

潁川三河太守

齊楚等相

東海等太守

高密等侯

太子少傅

太子詹事

關內侯

丞相司直

與州郡敘則居刺史守相上

司隸校尉

與州郡敘則居刺史守相上

城門校尉

八校尉

驂粟都尉

光祿大夫

非中二千石者

敘在三輔都尉下

御史中丞

與刺史守相敘則居其上

丞相長史

三輔都尉

五官左右中郎將

羽林中郎將

護軍都尉

奉車都尉秩光祿大夫者

在關內侯下

駙馬都尉

騎都尉

尚書令

西域都護

太中大夫

尚書僕射

尚書

諸侯太傅

十三州刺史

與守相敘則居其上

朔方刺史

郡都尉

關都尉

農都尉

屬國都尉

西域副校尉

郎中車將

郎中戶將

郎中騎將

諸侯中尉

諸侯內史

諫大夫

太子家令

博士

九卿列卿丞

謁者僕射

公車司馬令

將軍長史

廷尉正監

長安令

千石令

黃門侍郎

尚書丞郎

議郎

五官左右中郎

從事中郎

太史令

廷尉平

三輔丞

六百石令

五百石長

郡司馬長史

五官左右侍郎

太守丞

都尉丞

三百石長

侍御史

太子門大夫

五官左右郎中

太子庶子

中庶子

太子舍人

太子洗馬

羽林郎

以上百官表

蠻夷叙位

孝宣甘露二年匈奴呼韓邪單于款五原塞願奉國珍朝三年正月詔公卿議其儀丞相霸御史大夫定國議曰聖王之制施德行禮先京師而後諸夏先諸夏而後夷狄詩云率禮不越遂視既發相土烈烈海外有截陛下聖德充塞天地光被四表匈奴單于鄉風慕義舉國

同心奉珍朝賀自古未之有也單于非正朔所加王者所容也禮儀宜如諸侯王稱臣昧死再拜位次諸侯王下太子太傅蕭望之以為單于非正朔所加故稱敵國宜待以不臣之禮位在諸侯王上外夷稽首稱藩中國遜而不臣此則羈縻之誼謙亨之福也書曰戎狄荒服言其來服荒忽亡常如使匈奴後嗣卒有烏窺鼠伏闕于朝享不為畔臣信讓行乎蠻貉福祚流于無窮萬世之長策也天子采之下詔曰蓋聞五帝三王教化所不施不及以政今匈奴單于稱北藩朝正朔朕之不逮德

不能宏覆其以客禮待之令單于位在諸侯王上贊謁
稱而不名

宣紀及蕭
望之傳

西漢會要卷三十八

職官八

使外國

孝武建元中月氏怨匈奴漢乃募能使者張騫以郎應

募使月氏

張騫傳

元封五年詔令州郡察吏民有茂材異等可使絕國者

本紀

天漢元年遣蘇武以中郎將使持節送匈奴使留在漢

校尉後復爲中郎將使匈奴蕭咸爲中郎將使匈奴蕭由

遷謁者使匈奴副校尉蕭望之傳

金參使匈奴中郎將金日磾傳

行水災流民

孝武元狩三年遣謁者勸有水災郡種宿麥舉吏民能假貸貧民者以名聞

元鼎二年九月詔方今水潦移於江南方下巴蜀之粟致之江陵遣博士中等分循行諭告所抵毋令重困吏民有賑救飢民免其戾者具舉以聞並本紀

元鼎中博士徐偃使行風俗偃矯制使膠東魯國鼓鑄

鹽鐵終軍奏偃矯制顛行非奉使體終軍傳

孝昭始元二年三月遣使者賑貸貧民毋種食者

孝宣本始四年正月詔曰今歲不登已遣使者賑貸困

乏

孝成建始三年九月詔乃者郡國被水災流殺人民遣

諫大夫林等循行天下

河平四年三月遣光祿大夫博士嘉等十一人行舉瀕河之郡水所毀傷困乏不能自存者發財賑貸避水它

郡國所在冗食之舉醇厚有行能直言之士並本紀

平當行流民幽州奉使者十一人為最本傳

陽朔二年秋關東大水流民欲入關者勿苛留遣諫大夫博上分行視九月奉使者不稱

鴻嘉四年正月詔水旱為災關東流冗者眾已遣使者循行郡國被災害什四以上民貲不滿三萬勿出租賦逋貸未入皆勿收流民欲入關輒籍內

孝哀初即位詔乃者河南潁川郡水出流殺人民壞廬舍已遣光祿大夫循行舉籍賜死者棺錢人三千並本紀

舉賢觀風

孝武元狩六年遣博士大等六人分循行天下存問鰥寡廢疾亡以自振業者貸與之諭三老孝弟以為民師舉獨行之君子召詣行在所士有特招使者之任也詳問隱處亡位及寃失職姦猾為害野荒治苛者舉奏郡國有所以為便者上丞相御史以聞

孝昭始元元年遣故廷尉王平等五人持節行郡國舉賢良問民所疾苦寃失職者

孝宣元康四年遣太中大夫彊等十二人循行天下存

問鰥寡覽觀風俗察吏治得失舉茂材異倫之士
本始元年遣使者持節詔郡國二千石謹牧養民而風
德化

孝元初元元年詔方田作時朕憂蒸庶之失業臨遣光
祿大夫褒等十二人循行天下存問耆老鰥寡孤獨困
乏失職之民延登賢俊招顯側陋因覽風俗之化

建昭四年臨遣諫大夫博士賞等二十一人循行天下
存問耆老鰥寡孤獨之困失職之人舉茂材特立之士
孝成永始三年正月日有蝕之詔臨遣太中大夫嘉等

循行天下存問耆老民所疾苦其與部刺史舉惇樸謙
遜有行義者各一人

孝平元始四年遣太僕王暉等八人又置副假節分行
天下覽觀風俗

舉寃獄

治獄使者內謁者令郭穰

孝宣五鳳四年四月日有蝕之詔以前使使者問民所
疾苦復遣丞相御史掾二十四人循行天下舉寃獄察

擅為苛禁深刻不改者

孝成鴻嘉元年詔曰方生長時臨遣諫大夫理等舉三

輔三河宏農寃獄本紀

成帝初即位孔光為博士數使錄寃獄行風俗賑贍流

民奉使稱旨本傳

雜遣使

吳楚反以爰盎為太常奉宗廟使吳王吳王弟子德侯

為宗正輔親戚使吳王本傳

宣帝時蔡癸以好農使勸郡國至大官食貨志

稻田使者燕倉昭紀

地節中光祿大夫郭昌使行河溝洫志

李尋以騎都尉使護河隄李尋傳

成帝時河決館陶河隄使者王延世使塞溝洫志下同

鴻嘉四年河隄都尉許商與丞相史孫禁行視圖方略

馮野王以故二千石使行河隄馮野王傳

平當以經明禹貢使行河為騎都尉領河隄平當傳

河平三年謁者陳農使使求遺書於天下

孝平元始元年遣諫大夫行三輔舉籍吏民以元壽二

年倉卒時橫賦歛者償其直

元始二年使謁者大司馬掾四十四人持節行邊兵

元始二年郡國大旱蝗遣使者捕蝗

並本紀

奉使矯制

上

武帝卽位汲黯爲謁者東粵相攻上使黯往視之至吳而還報曰粵人相攻固其俗不足以辱天子使者河內失火燒千餘家上使黯往視之還報曰家人失火屋比延燒不足憂臣過河內貧人傷水旱萬餘家或父子相食臣謹以便宜持節發河內倉粟以賑貧民請歸節伏矯制臯上賢而釋之

本傳

元鼎中博士徐偃使行風俗偃矯制使膠東魯國鼓鑄鹽鐵還奏事徙爲太常丞御史大夫張湯劾偃矯制大害法至死偃以爲春秋之義大夫出疆有可以安社稷存萬民顓之可也湯以致其法不能誦其義有詔下將軍問狀軍詰偃曰古者諸侯國異俗分百里不通時有聘會之事安危之勢呼吸成變故有不受辭造命顓已之宜今天下爲一萬里同風故春秋王者無外偃巡封域之中稱以出疆何也且鹽鐵郡有餘藏正二國廢國家不足以爲利害而以安社稷存萬民爲辭何也又詰

西漢 卷三
七
偃膠東南近琅邪北接北海魯國西枕泰山東有東海
受其鹽鐵偃度四郡口數田地率其用器食鹽不足以
并給二郡邪將執宜有餘而吏不能也何以言之偃矯
制而鼓鑄者欲及春耕種贍民器也今魯國之鼓當先
具其備至秋乃能舉火此言與實反者非偃已前三奏
無詔不惟所爲不許而直矯作威福以從民望千名采
譽此明聖所必加誅也枉尺直尋孟子稱其不可今所
犯罪重所就者小偃自予必死而爲之邪將幸誅不加
欲以采名也偃窮黜服罪當死軍奏偃矯制顛行非奉

使體請下御史徵偃卽罪奏可上善其詰有詔示御史

大夫

終軍傳

浩侯王恢坐使酒泉矯制害當死贖罪免

功臣表

宣帝元康元年上令羣臣舉可使西域者前將軍韓增
舉上黨馮奉世以衛侯使持節送大宛諸國客至伊修
城會故莎車王弟呼屠徵與旁國共殺其王萬年及漢
使者奚充國自立爲王時匈奴又發兵攻車師城不能
下而去莎車遣使揚言北道諸國已屬匈奴矣于是攻
劫南道與軟盟畔漢從鄯善以西皆絕不通都護鄭吉

校尉司馬意皆在北道諸國間奉世與其副嚴昌計以爲不亟擊之則莎車日彊其勢難制必危西域遂以節諭告諸國王因發其兵南北道合萬五千人進擊莎車攻拔其城莎車王自殺傳其首詣長安更立它昆弟子爲莎車王諸國悉平威振西域奉世乃罷兵以聞帝召見韓增曰賀將軍所舉得其人奉世遂西至大宛大宛聞其斬莎車王敬之異于它使得其名馬象龍而還上甚說議封奉世丞相將軍皆以爲可獨少府蕭望之以爲奉世奉使有指而擅矯制違命發諸國兵雖有功效

不可以爲後法即封奉世開後奉使者利以奉世爲比爭逐發兵要功萬里之外爲國家生事于夷狄漸不可長奉世不宜受封上善望之議以奉世爲光祿大夫

世及西
域傳

奉

西漢會要卷三十九

宋 徐天麟 撰

職官九

奉使矯制下

元帝建昭三年使西域都護騎都尉甘延壽副校尉陳湯共誅斬匈奴郅支單于於康居始郅支單于困辱使者上書驕嫚湯為人沈勇有大慮多策謀喜奇功每過城邑山川常登望既領外國與延壽謀曰夷狄畏服大種其天性也西域本屬匈奴今郅支單于威名遠聞侵

陵烏孫大宛常爲康居畫計欲降服之如得此二國北
擊伊列西取安息南排月氏山離烏弋數年之間城郭
諸國危矣且其人剽悍好戰伐數取勝久蓄之必爲西
域患到支單于雖所在絕遠蠻夷無金城強弩之守如
發屯田吏士毆從烏孫衆兵直指其城下彼亡則無所
之守則不足自保千載之功可一朝而成也延壽亦以
爲然欲奏請之湯曰國家與公卿議大策非凡所見事
必不從延壽猶與不聽會其久病湯獨矯制發城郭諸
國兵車師戊己校尉屯田使士延壽聞之驚起欲止焉

湯怒按劍叱延壽曰大衆已集會豎子欲沮衆邪延壽
遂從之部勒行陳益置揚威白虎各騎之校漢兵胡兵
合四萬餘人延壽湯上疏自劾奏矯制陳言兵狀遂斬
單于首旣至論功石顯匡衡以爲延壽湯擅興師矯制
幸得不誅如復加爵土則後奉使者爭欲乘危徼幸生
事于蠻夷爲國招難漸不可開元帝內嘉延壽湯功而
重違衡顯之議議久不決故宗正劉向上疏曰邳支單
于囚殺使者更士以百數事暴揚外國傷威毀重羣臣
皆閔焉陛下赫然欲誅之意未嘗有忘西域都護延壽

副校尉湯承聖指倚神靈總百蠻之君搃城郭之兵出
百死入絕域遂蹈康居屠五重城舉歙侯之旗斬郅支
之首縣旌萬里之外揚威昆山之西掃谷吉之恥立昭
明之功萬夷懼伏莫不懼震呼韓邪單于見郅支已誅
且喜且懼鄉風馳義稽首來賓願守北藩累世稱臣立
千載之功建萬世之安羣臣之勲莫大焉昔周大夫方
叔吉甫爲宣王誅獫狁而百蠻從其詩曰嘽嘽焯焯如
霆如雷顯允方叔征伐獫狁蠻荆來威易曰有嘉折首
獲匪其醜言美誅首惡之人而諸不順者皆來從也今

延壽湯所誅震雖易之折首詩之雷霆不能及也論大
功者不錄小過舉大美者不疵細瑕司馬法曰軍賞不
踰月欲民速得爲善之利也蓋急武功重用人也吉甫
之歸周厚賜之其詩曰吉甫宴喜旣多受祉來歸自鎬
我行永久千里之鎬猶以爲遠況萬里之外其勤至矣
延壽湯旣未獲受祉之報反屈捐命之功久挫于刀筆
之前非所以勸有功勵戎士也昔齊桓前有尊周之功
後有滅項之罪君子以功覆過而爲之諱行事貳師將
軍李廣利捐五萬之師糜億萬之費經四年之勞僅獲

駿馬三十四匹雖斬宛王母鼓之首猶不足以復費其私
罪惡甚多孝武以爲萬里征伐不錄其過遂封拜兩侯
三卿二千石百有餘人今康居國疆于大宛郅支之號
重于宛王殺使者罪甚于留馬而延壽湯不煩漢士不
費斗糧比于貳師功德白之且常惠爾欲擊之烏孫鄭
吉迎自來之日逐猶皆裂土受爵故言威武勤勞則大
于方叔吉甫列功覆過則優于齊桓貳師近事之功則
高于安遠長羅而大功未著小惡數布臣竊痛之宜以
時解縣通籍除過勿治尊寵爵位以勸有功于天子

下詔曰匈奴郅支單于背畔禮義留殺漢使者吏士甚
逆道理朕豈忘之哉所以優游而不征者重動師衆勞
將率故隱忍而未有云也今延壽湯睹便宜乘時利結
城郭諸國擅興師矯制而征之賴天地宗廟之靈誅討
郅支單于斬獲具首及闕氏貴人名士以下千數雖踰
義干法內不煩一夫之役不開府庫之藏因敵之糧以
贍軍用立功萬里之外威震百蠻名顯四海爲國除殘
兵革之原息邊竟得以安然猶不免死亡之患罪當于
在奉憲朕甚閔之其赦延壽湯罪勿治詔公卿議封焉

議者以為宜如軍法捕斬單于令匡衡石顯以為郅支本亡逃失國竊號絕域非真單于元帝取安遠侯鄭吉故事封千戶衡顯復爭乃封延壽為義成侯賜湯爵關內侯食邑各三百戶加賜黃金百斤告上帝宗廟大赦天下拜延壽為長水校尉湯為射聲校尉

陳湯傳

矯節為節附

周勃欲入北軍襄平侯紀通尚符節乃令持節矯內勃

北軍呂后紀

少帝令謁者持節勞劉章章欲奪節謁者不肯章乃與

載因節信馳斬長樂衛尉呂更始還入北軍同上

汲黯以便宜持節發河內倉粟以振貧民請歸節伏矯

制罪上賢而釋之本傳

戾太子使舍人無且持節入未央宮戾太子傳

征和二年簡太子擅發兵盧賀坐受太子節掠死功臣表

太子召監北軍使者任安發北軍兵安受節已閉軍門

不肯應太子太子敗安坐受太子節懷二心腰斬劉屈氂傳

考課

公卿課羣吏

宣帝始親政事自丞相以下各奉職奏事以傳奏其言考試功能侍中尙書功勞當遷及有異善厚加賞

賜

本紀

丙吉曰歲竟丞相課其殿最奏行賞罰

丙吉傳

地節四年詔令郡國歲上繫囚臣掠笞若瘐死者

坐名縣爵里丞相御史課殿最以聞

本紀

黃龍元年詔曰上計簿具文而已務為欺謾以避其

課三公不以為意朕將何任御史察計簿疑非實者

按之使真偽毋相亂

本紀

孝元使尙書選第中二千石而大鴻臚馮野王行能

第一

本傳

陳咸為御史中丞總領州郡奏事課第諸刺史

陳萬年傳

班況為上河農都尉大司農奏課連最

叙傳

谷永薦薛宣疏曰宣考績功課簡在兩府不敢過

薛宣

傳

光祿第郎從官

孝元永光元年詔丞相御史舉質樸敦厚遜讓有行

者光祿歲以此科第郎從官

本紀

光祿勳舉何武四行本傳

博士選三科

成帝時博士選三科高第為尚書次為刺史其不通

政事以久次補諸侯大傳孔光傳

孔光以高第為尚書同傳

州課郡

河南守吳公治平為天下第一徵以為廷尉賈誼傳

兒寬為左內史有軍發以負租課殿當負民恐失之

輸租不絕課更以最本傳

刺史以大條問事百官公卿表注

故事選郡國守相高第為中二千石朱博傳

宣帝厲精為治二千石有治理効輒以璽書勉厲公

卿缺則選諸所表以次用之循吏傳

宣帝以賢良高第揚州刺史黃霸為潁川太守秩

二千石居官戶口歲增治為天下第一召守京兆尹

秩二千石坐發民治馳道不先以聞又發騎士詣北

軍馬不適士効乏軍興連貶秩有詔歸潁川太守官

以八百石居郡中愈治下詔稱揚賜爵關內侯黃金

百斤秩中二千石 黃霸傳

朱邑為北海太守以治行第一入為大司農 朱邑傳

尹翁歸為扶風盜賊課常為三輔最 尹翁歸傳

韓延壽為東郡太守斷獄大減為天下最 韓延壽傳

河南太守召信臣治行常為第一荊州刺史奏信臣

為百姓興利賜黃金四十斤 召信臣傳

何武為清河太守坐郡中被災害什四免 何武傳

天水太守陳立勸民農桑為天下最 西南夷傳

陳萬年廣陵太守高第入為右扶風 陳萬年傳

鄭昌遷淮陽相以高第入為右扶風 鄭宏傳

郡課縣

秋冬課吏 尹翁歸傳

卜式為成臯令將漕最拜齊太傅 卜式傳

義縱補上黨郡中令縣無逋事舉第一遷為長陵

長安令 義縱傳

趙廣漢為翟陽令以治行尤異遷京輔都尉 趙廣漢傳

張敞拜膠東相上名尚書調補縣令者數十人 張敞傳

尹賞以三輔高第選守長安令 尹賞傳

何顯家有市籍租常不入縣數負其課

何武傳

焦延壽為小黃令以候司先知姦邪盜賊不得發舉

最當遷

京房傳

朱博櫟陽令徙雲陽平陵三縣以高第入為長安令

朱博傳

蕭育為茂陵令會課育第六而漆令郭舜毀見責問

育為之請扶風怒曰君課第六裁自脫何暇欲為左

右言及罷出傳召茂陵令詣後曹當以職事對

蕭育傳

功次

周仁為太子舍人積功遷至太中大夫

周仁傳

衛綰為郎功次遷中郎將

衛綰傳

石奮積功勞孝文時官至太中大夫

石奮傳

趙禹以刀筆吏積勞為御史

趙禹傳

兒寬為掌故功次補廷尉文學卒史

兒寬傳

田廣明以郎為天水司馬功次遷河南都尉

田廣明傳

王訢以郡縣吏積功稍遷被陽令

王訢傳

馮奉世為郎昭帝時以功次補武安長

馮奉世傳

馮野王為太子中庶子以功次補當陽長

馮野王傳

馮遂為美陽令功次遷長樂屯衛司馬

馮遂傳

馮譚以孝廉為郎功次補大水司馬

馮奉世傳

薛恭本郡孝者功次稍遷

薛宣傳

平當少為大行治禮丞功次補大鴻臚文學

平當傳

元帝數召見京房對曰古帝王以功舉賢則萬化成

應著末世以毀譽取人故功業廢而致災異宜令百官

各試其功災異可息詔使房作其事房奏考功課吏法

上令公卿朝臣與房會議溫室皆以房言煩碎合上下

相司不可許上意鄉之時部刺史奏事京師上召見諸

刺史令房曉以課事刺史復以為不可行唯御史大夫

鄭宏光祿大夫周堪初言不可後善之上令房上弟子

曉知考功課吏事者欲試用之房上中郎任良姚平願

以為刺史試考功法臣得通籍殿中為奏事以防雍塞

石顯五鹿充宗皆疾房欲遠之建言宜試以房為郡

元帝于是以房為魏郡太守秩八百石居得以考功法

治郡房自請願無屬刺史得除用它郡人自第吏千石

以下歲竟乘傳奏事天子許焉房自知數以論議為大

臣所非內與石顯五鹿充宗有隙不欲遠離左右及為

太守憂懼以建昭二年二月朔拜上封事曰辛酉巳來
蒙氣衰去太陽精明臣獨欣然以為陛下有所定也然
少陰倍力而乘消息臣疑陛下難行此道猶不得如意
臣竊悼懼守陽平侯鳳欲見未得至己卯臣拜為太子
此言上雖明下猶勝之效也臣出之後恐必為用事
蔽身死而功不成故願歲盡乘傳奏事蒙哀見許乃辛
巳蒙氣復乘卦太陽侵色此上大夫覆陽而上意疑也
己卯庚辰之間必有欲隔絕臣令不得乘傳奏事者房
未發上命陽平侯鳳承制詔房止無乘傳奏事房意愈

恐去至新豐因郵上封事房去月餘竟下獄京房傳

官稱

大府杜周傳師古曰大府丞相御史之府也張湯傳又注云大府丞相府也二說不同

二府劉向傳如淳曰二府丞相御史也

兩府杜周傳如淳曰丞相御史府也

四府趙充國傳四府舉辛武賢小弟湯

五府趙充國傳五府復舉辛湯段會宗傳五府舉會宗

從官元紀令從官給事宮司馬中者師古曰從官親近天子常侍從者皆是也

中都官百官表司隸校尉侍御從中都官師古曰中都官京師諸官府也

中朝 劉輔傳孟康曰中朝內朝也大司 右前後將

石為外朝也

外官 終軍傳師古曰謂非侍衛之臣

左官 諸侯王表作左官之律應劭曰人道上右今舍天子而仕諸侯故謂之左官也

郡將 嚴延年傳延年新將師古曰謂郡守為郡將者以其兼領武事也

主郡吏 鼂錯傳師古曰郡守也

府官 貢禹傳師古曰謂太守之府

西漢會要卷四十

職官十

宋 徐 天 麟 撰

集議 上

議立君

高后四年詔曰皇帝疾久不已不可屬天下其議

之羣臣頓首奉詔 紀本

漢大臣使人迎代王郎中令張武等議皆

無往中尉宋昌進曰大王勿疑也 文紀

代王入代邸羣臣上議曰丞相臣平太

軍臣武御史大夫臣蒼宗正臣郢朱虛侯

侯臣興居典客臣揭再拜言云云臣謹請陰

王后兄仲琅邪王劉澤列侯吏二千石議大王高

帝子宜為嗣文紀

元平元年昭帝崩亡嗣羣臣議所立咸持廣陵王郎

有上書言王不可以承宗廟霍光承皇太后詔召昌

邑王既至即位行淫亂光遂召丞相御史將軍列侯

中二千石大夫博士會議未央宮羣臣皆驚愕失色

田延年曰今日之議不得旋踵于是議者皆叩頭曰

唯將軍令光與羣臣連名奏王尚書令讀奏曰丞相

臣敞等云云臣敞等謹與博士臣霸臣傳舍臣德臣

虞舍臣射臣蒼等議當廢太后詔歸賀昌邑光坐庭

中會丞相以下議定所立廣陵王已前不用及燕

王反誅其子不在議中近親唯有皇曾孫光遂

相上奏皇太后詔曰可霍光傳

議儲嗣

文帝元年有司請蚤建太子詔曰其安

更議不宜上乃許之

本紀

成帝召丞相翟方進御史大夫孔光右將軍

將軍朱博皆引入禁中議中山定陶王誰宜

方進根以為定陶王宜為嗣褒博皆如方進根議

獨以為中山王宜為嗣上以禮兄弟不相入廟遂

定陶王為太子

孔光傳

議宗廟

高后七年詔曰昭靈夫人太上皇妃也武哀侯宣夫
人高帝兄姊也號謚不稱其議尊號丞相臣平等請

尊昭靈夫人曰昭靈后武哀侯曰武哀王宣夫人曰

昭哀后

高后紀

孝景元年詔曰其為孝文皇帝廟為昭德之舞以明
休德其與丞相列侯中二千石禮官具禮儀奏丞相
臣嘉等謹議世功莫大于高皇帝德莫盛于孝文皇
帝高帝廟宜為帝者太祖之廟孝文皇帝廟宜為帝
者太宗之廟制曰可

景紀

宣帝即位詔丞相御史曰孝武廟樂未稱其與列
二千石博士議于是羣臣大議庭中皆曰宜如

長信少府夏侯勝獨曰不宜立廟樂公卿共辭

此詔書也勝曰詔書不可用也于是丞相義御史

夫廣明劾奏勝非議詔書毀先帝不道下獄有司遂

請尊孝武帝廟爲世宗廟奏盛德文始五行之舞

勝傳

本始元年詔曰故皇太子在湖未有號諡歲時祠其

議諡置園邑

本紀

元帝時貢禹奏言古者天子七廟今孝惠孝景廟皆
親盡宜毀及郡國廟不應古禮天子是其議永光四

年乃下詔先議罷郡國廟其與將軍列侯中二千石

二千石諸大夫博士議郎議丞相元成御史大夫鄭

宏太子太傅嚴彭祖少府歐陽地餘諫大夫尹更始

等七十八皆曰宗廟在郡國宜亡修臣請勿復修奏

可因罷郡國廟後月餘復下詔曰祖宗之廟不敢自

顯其與將軍列侯中二千石二千石諸大夫博士議

元成等四十四人奏議以爲高帝宜爲帝者太祖之

廟世世不毀承後屬盡者宜毀今宗廟異處昭穆不

序宜入就太祖廟而序昭穆如禮大司馬車騎將

許嘉等二十九人以為孝文宜為帝者太宗之廟是尉忠以為孝武宜為世宗之廟諫大夫尹更始等十八人以為皇考廟非正禮宜毀于是上重其事依違者一年乃下詔曰云云其正禮儀元成等奏曰祖宗之廟世世不毀繼祖以下五廟而迭毀云云奏可後歲餘元成薨匡衡為丞相上詔問衡議欲復之衡深言不可久之遂盡復所罷寢廟園皆修祀如故哀帝卽位丞相光大司空武奏言迭毀之次當以時定臣請與羣臣雜議奏曰于是光祿勳彭宣詹事滿昌博

士左咸等五十三人皆以為繼祖宗以下五廟而迭毀孝武皇帝親盡宜毀太僕王舜中壘校尉劉歆議以七廟言之孝武皇帝未宜毀上覽其議而從之制曰太僕舜中壘校尉歆議可至平帝元始中大司馬王莽奏皇考廟本不當立又南陵雲陵園陵名未正謹與大司徒宴等百四十七人議請皇考廟毀勿修罷南陵雲陵為縣奏可韋元成傳

議郊祀

孝文十五年黃龍見于成紀上乃下詔議郊祀本紀

元狩二年天子郊雍詔曰今上帝朕親郊而后土無祀則禮不答也有司與太史令談祠官寬舒等議云

云于是天子遂東立后土祠如寬舒等議郊祀志

李延年以好音見上善之下公卿議曰民間祠有鼓舞樂今郊祀而無樂豈稱乎公卿曰云云同

成帝初卽位丞相衡御史大夫譚奏言甘泉泰畤河

東后土之祠宜可徙置長安廟與羣臣議定奏可大

司馬車騎將軍許嘉等八人以為宜如故右將軍王

商博士師丹議即翟方進等五十人以為宜徙于是

衡譚奏議曰今議者五十八人其五十人言當徙八

人以為不宜宜于長安定南北郊天子從之同

平帝元始五年大司馬王莽奏臣謹與太師孔光長

樂少府平晏大司農左咸中壘校尉劉歆太中大夫

朱陽博士薛順議郎國由等六十七人議皆曰宜如

建始時丞相衡等議復長安南北郊奏可後莽又奏

言臣謹與太師光大司徒宮羲和歆等八十九人議

皆曰宜令墜祗稱阜墜后祗兆曰廣時奏可同

議典禮

西漢會要

卷四

六

文帝十五年使博士諸生刺六經中作王制謀議巡

狩封禪事

郊祀志

武帝建元元年議立明堂

本紀又見申公傳

元朔元年詔曰朕欲詔執事與廉舉孝今或至闕郡

而不薦一人其與中二千石禮官博士議不舉者罪

本紀

五年詔太常其議予博士弟子員丞相宏謹與太常

臧博士平等議曰云云

儒林傳序

元鼎四年六月汾陰得寶鼎迎至長安公卿大夫皆

議尊寶鼎天子曰鼎曷為出哉有司皆言鼎宜視宗

廟廟藏于帝庭以合明應制曰可

郊祀志下同

自得寶鼎上與公卿諸生議封禪封禪用希曠絕莫

知其儀體而羣儒采封禪尚書周官王制之望祀射

牛事齊人丁公年九十餘對曰云云羣儒既已不能

辨明封禪事上為封祠器視羣儒于是盡罷諸儒弗

用

帝議欲放古巡狩封禪之事諸儒對者五十餘人未

能有所定上乃自制儀頗采儒術以文焉褚大與兒

寬議封禪于上前大不能及

兒寬傳

元封七年大中大夫公孫卿壺遂太史令司馬遷等言歷紀廢壞宜改正朔上乃詔御史大夫寬曰與博士共議今宜何以爲正朔服色何上寬與博士賜等議皆曰云云遂詔卿遂遷與侍郎尊大典星射姓等

議造漢歷

津歷志

宣帝時美陽得鼎獻之下有司議多以爲宜薦見宗廟如元鼎時故事張敞上議曰今此鼎細小不宜薦見於宗廟制曰京兆尹議是

郊祀志

石渠論五經同異

見圖書條

司隸校尉涓黝奏言丞相請遣掾史以宰士督察天子奉使命大夫甚諄逆順之理願下中朝特進列侯將軍以下正國法度議者以爲丞相掾不宜移書督

趣司隸

翟方進傳

哀帝卽位有詔問丞相大司空定陶共王太后宜當何居光議以爲定陶太后宜改築宮大司空何武曰可居北宮上從武言

孔光傳

傳太后欲與成帝母俱稱尊號羣下多順指言宜立

尊號唯卽丹與孔光持不可上重違大臣又內迫傅

太后依違者連歲同上

議封建

漢五年詔諸侯王視有功者立以為燕王荆王臣信等十人皆曰太尉盧綰功最多請立以為燕王

六年詔齊其復以為諸侯及擇寬惠修絜者王齊荆

地韓王信奏請云云

十一年詔王相國通侯吏二千石擇可立為代王者

燕王絳相國何等三十三人皆曰子恒請立以為代

王

詔擇可以為梁王淮陽王者燕王綰相國何等請立

子恢為梁王子友為淮陽王

詔王相國擇可立為淮南王者羣臣請立子長為王

十二年詔朕欲復立吳王其議可者長沙王臣等言

沛侯濞重厚請立為吳王

詔諸侯王議可立為燕王者長沙王臣等請立子建

為燕王以上並高紀

武帝元狩六年大司馬臣去病請定皇子位制曰下

御史丞相臣青翟御史大夫臣湯太常臣充大行令
 臣息太子少傅臣安行宗正事謹與二千石臣賀等
 議制曰更議丞相御史謹與列侯臣嬰齊中二千石
 臣賀諫大夫博士臣安等議曰云云丞相臣青翟御
 史大夫臣湯昧死言臣青翟等與列侯吏二千石諫
 大夫博士臣慶等議奏留中不下臣青翟等竊與列
 侯臣壽成等二十七人議制曰立皇子閔為齊王且
 為燕王胥為廣陵王三王世家
 昌邑王賀薨豫章太守廖奏言宜以禮絕賀以奉天

意願下有司議議皆以為不宜為立嗣昌邑王傳

議功賞

漢五年列侯畢已受封奏位次皆曰平陽侯曹參功
 最多宜第一關內侯鄂千秋時為謁者進曰羣臣議
 皆誤蕭何當第一曹參次之上曰善乃令何第一何
 功雖高待鄂君乃得明于是因鄂千秋故所食關內
 侯邑二千戶封為安平侯蕭何傳
 高后二年詔曰欲差次列侯功以定朝位其與列侯
 議定奏之丞相臣平言謹與絳侯臣勃曲周侯臣商

穎陰侯臣嬰安國侯臣陵等議云云奏可本紀

馮奉世擊莎車王自殺上甚說下議封奉世丞相將

軍皆曰奉世功效尤著宜加爵土之賞少府蕭望之

獨以奉世不宜受封上善望之議馮奉世傳

甘延壽陳湯斬郅支單于既至論功石顯匡衡以為

延壽湯擅興師矯制為國招難漸不可開元帝內嘉

延壽湯功而重違衡顯之議議久不決故宗正劉向

上疏曰宜尊寵爵位以勸有功於是天子下詔曰其

赦延壽湯罪勿治詔公卿議封焉議者以為宜如軍

法捕斬單于令匡衡石顯以為郅支非真單于元帝

取鄭吉故事封千戶衡顯復爭迺封延壽為義成侯

賜湯爵關內侯陳湯傳

成帝既罷昌陵以長首建忠策復下公卿議封長當

又以為長雖有善言不應封爵之科坐前議不正左

遷鉅鹿太守後遂封長不當傳

西漢會要卷四十一

宋 徐 天 麟 撰

職官十一

集議

議民政

文帝元年三月詔曰方春和時吾百姓鰥寡孤獨窮困之人或阡于死亡其議所以振貸之紀本

後元年詔曰間者數年比不登其與丞相列侯吏二千石博士議之有可以佐百姓者無有所隱同

武帝時公孫宏奏言禁民亡得挾弓弩便上下其議
吾邱壽王對曰大不便書奏上以難丞相宏宏誦服

焉

吾邱壽王傳

元鼎六年上曰今內史稻田租挈重不與郡同其議

減令吏民勉農盡地利平繇行水勿使失時

溝洫志

昭帝始元六年二月詔有司問郡國所舉賢良文學

民所疾苦議罷鹽鐵榷酤

本紀詳見鹽鐵條

元帝時貢禹言宜罷采珠玉金銀鑄錢之官毋復以
為幣除其販賣租銖之律租稅祿賜皆以布帛及穀

使百姓壹意農桑議者以為交易待錢布帛不可尺

寸分裂禹議亦寢

食貨志下

禹以為宜令民七歲去齒乃出口錢年二十乃算天

子下其議令民產子七歲乃出口錢自此始

本傳

成帝建始三年京師民無故相驚言大水至召公卿

議大將軍鳳以為云云羣臣皆從鳳議左將軍王商

獨曰必訛言也上乃止

王商傳

有上書言古者以龜貝為貨今以錢易之民以故貧
宜可改幣上以問師丹丹對言可改章下有司議皆

以為行錢以來久難卒變易

師丹傳

議法制

孝文二年詔丞相太尉御史今犯法者已論而使無

罪之父母妻子同產坐之朕甚弗取其議丞相周勃

陳平奏臣之愚計以為如其故便文帝復曰云云朕

未見其便宜孰計之平勃乃曰臣等謹奉詔

刑法志

十三年制詔御史其除肉刑丞相張蒼御史大夫馮

敬言臣謹議云云臣昧死請制曰可

刑法志

景帝元年詔吏受所監臨以飲食免重受財物賤買

貴賈論輕廷尉與丞相更議著令廷尉信謹與丞相

議曰云云

本紀

宣帝時京兆尹張敞上書願令諸有罪皆得以差入

穀八郡贖罪事下有司蕭望之與少府李疆議云云

于是天子復下其議兩府丞相御史以難問敞敞曰

云云疆復對曰不便遂不施敞議

蕭望之傳

哀帝即位詔曰諸侯王列侯公主吏二千石及豪富

民多蓄奴婢田宅亡限其議限制

本紀

議同姓

淮南王長謀反召至長安丞相臣蒼典客臣敬行御史大夫事宗正臣逸廷尉臣賀備盜賊中尉臣福昧死言長當棄市制曰朕不忍致法于王其與列侯二千石議臣蒼臣敬臣逸臣福臣賀昧死言臣謹與列侯吏二千石臣嬰等四十三人議宜論如法史記淮南王傳元明中肥如令郢人昆弟上書具言燕王定國事下

公卿皆議曰當誅上許之燕王澤傳

淮南王安反衡山王賜淮南王弟當收坐有司請逮捕衡山王上曰諸侯各以其國為本不當相坐與諸

侯王列侯議趙王彭祖列侯遜等四十三人皆曰云

云膠西王端議曰云云丞相宏廷尉湯以聞本傳

議大臣

始元四年桑宏羊子遷亡過父故吏侯史吳會赦吳得自出繫獄廷尉少府雜治反事丞相車千秋召中二千石博士會公車門議問吳法明日千秋封上眾議大將軍光以千秋擅召中二千石以下遂下少府

廷尉獄杜延年傳

蕭望之劾奏韓延壽上僭不道又自陳前為延壽所

奏今復舉延壽罪衆庶皆以臣懷不正之心侵寃延壽願下丞相中二千石博士議其罪事下公卿皆以延壽前旣無狀復後誣愬典法大臣欲以解罪狡猾無道竟坐棄市

延壽傳

定陵侯淳于長坐大逆誅長小妻迺始等六人皆以長事未發覺時棄去或更嫁及長事發丞相方進大司空武議迺始等于法無以解請論孔光議以爲不

當坐有詔光議是

孔光傳

哀帝初薛宣子況昧各楊明創申咸事下有司御史

中丞衆等奏況明皆棄市廷尉以爲完爲賊且上以問公卿議臣丞相光大司空丹以中丞議是自將軍以下至博士議郎皆是廷尉

薛宣傳

哀帝時丞相王嘉上書薦故廷尉梁相等尙書劾奏嘉言事恣意迷國罔上不道下將軍中朝者議左將軍公孫祿司隸鮑宣光祿大夫孔光等十四人皆以爲嘉應迷國不道法光祿大夫諸吏給事中龔勝獨書議曰嘉迷國不疑今舉相等過微薄日暮議者罷明且復會左將軍祿問勝君議亡所據今奏當上宜

何從勝曰將軍以勝議不可者通劾之遂可光奏光等請詔嘉詣獄制曰驃騎將軍御史大夫中二千石二千石博士議郎衛尉雲等五十人以為如光等言可許議郎龔等以為宜奪爵士免為庶人永信少府猛等十人以為大臣括髮關械裸躬就笞非所以重國褒宗廟也有詔假謁者節召丞相詣廷尉詔獄

王嘉傳

傅太后怨傅喜使孔鄉侯晏風丞相令奏免喜侯朱博受詔與御史大夫趙元議元博奏請免為庶人上

疑博元承指詔左將軍彭宣與中朝者雜問宣等劾奏博宰相元上卿晏以外親不忠不道臣請詔謁者召博元晏詣廷尉詔獄制曰將軍中二千石二千石諸大夫博士議郎議右將軍驕望等四十四人以為如宣等言可許諫大夫龔勝等十四人以為晏宜與博元同罪罪皆不道上減元死罪三等削晏戶四分之一假謁者節召丞相詣廷尉詔獄

朱博傳

議邊事

孝文即位將軍陳武議曰南粵朝鮮宜用征伐孝文

曰朕能任衣冠念不到此且無議軍律書

四年單于遺漢書書至漢議擊與和親孰便公卿皆

曰和親甚便漢許之匈奴傳

景帝時匈奴徐盧等五人降漢上欲侯之周亞夫曰

云云上曰丞相議不可用本傳詳見處降條

武帝時匈奴求和親羣臣議上前博士狄山曰和親

便上問御史大夫張湯湯曰此愚儒亡知張湯傳

元光二年匈奴來請和親上下其議大行王恢議曰

不如勿許御史大夫韓安國議曰不如和親羣臣議

多附安國于是上許和親明年馬邑豪譚壹言匈奴

可誘以利致之上召問公卿大行王恢對曰擊之便

御史大夫安國曰勿擊便恢曰不然擊之便安國曰

不然勿擊便恢曰不然擊之便安國曰不然勿擊便

恢曰不然云云上曰善迺從恢議韓安國傳

中大夫主父偃盛言朔方地肥饒外阻河內省轉輸

戍漕廣中國滅胡之本也上覽其說下公卿議皆言

不便公孫宏曰云云朱買臣難詘宏遂置朔方本偃

計也主父偃傳

烏孫使使獻馬願得尚漢公主為昆弟天子問羣臣

議許西域傳

太初元年李廣利詣宛取馬二歲人少不足以拔宛

其夏漢亡浞野之兵于匈奴公卿議者皆願罷宛李廣

利傳

帝末年悔征伐之事乃下詔曰乃者以縛馬書徧視

丞相御史二千石諸大夫郎為學者乃至郡屬國都

尉成忠趙破奴等皆以虜自縛其馬不祥甚哉或以

為欲以見疆西域傳

神爵元年趙充國擊羌虜欲以威信招降罕开及劫

掠者解散虜謀徼極乃擊之辛武賢奏言云云天子

下其書充國令與校尉以下吏士知羌事者博議充

國及長史董通年以為此殆空言非至計也天子下

其書公卿議者咸以為不先破罕开則先零未可圖

也上乃拜武賢為破羌將軍賜璽書嘉納其册以書

敕責充國趙充國傳

充國上屯田奏奏每上輒下公卿議臣議初是充國

計者什三中什五最後什八有詔詰前言不便者皆

頓首服丞相魏相曰後將軍數畫軍策其言常是臣任其計可必用也趙充國傳

甘露二年匈奴欵塞詔有司議咸曰禮儀宜如諸侯主納臣昧死再拜位次諸侯王詔曰其以客禮待之位任諸侯王上宣紀

匈奴來朝詔公卿議其儀丞相霸御史大夫定國議

曰其禮儀宜如諸侯王位次在下蕭望之以為位在

諸侯王上天子采之蕭望之傳

初元元年珠崖反本紀作三年上與有司議大發軍待詔

賈捐之建議以為不當擊上使侍中王商詰問捐之

捐之對奏上以問丞相御史御史大夫陳萬年以為

當擊丞相于定國以為捐之議是上乃從之賈捐之傳

甘延壽陳湯上疏斬郅支首及名王以下宜縣頭梟

街事下有司丞相匡衡御史大夫繁延壽以為宜勿

縣車騎將軍許嘉右將軍王商以為宜縣有詔將軍

議是陳湯傳

永光二年隴西羌反詔召丞相韋元成御史大夫鄭

宏大司馬車騎將軍王接左將軍許嘉右將軍馮奉

世入議 馮奉世傳

呼韓邪單于上書願保塞請罷邊備塞吏卒天子令下有司議議者皆以為便郎中侯應習邊事以為不可許上問狀應對奏天子有詔勿議罷邊事 匈奴傳
河平元年匈奴使者伊邪莫演言欲降下公卿議議者或言宜如故事受其降光祿大夫谷永議郎杜欽以為不如勿受對奏天子從之 同上

哀帝時單于當來朝遣使言病願朝明年息夫躬上奏以為疑有他變書奏上引見躬召公卿將軍大議

左將軍公孫祿以為躬欲逆詐不可許躬倚祿曰云

云臣與祿異議未可同日語也上曰善乃罷羣臣獨

與躬議 息夫躬傳

建平四年單于上書願朝五年上以問公卿公卿以為可且勿許單于使辭去未發黃門郎揚雄上書諫天子寤焉召還使者更報單于書而許之 匈奴傳

雜錄

元封四年關東流民二百萬口無名數者四十萬公卿議欲請徙流民於邊以適之上以為石慶老謹不

西漢會要 卷四
能與其議乃賜丞相告歸而案御史大夫以下議為

請者

萬石君傳

成帝封淳于長平當坐前議不正左遷鉅鹿太守

見

議功賞條

孔光為御史大夫以議不中意左遷廷尉

本傳

哀帝時馬宮與丞相御史雜議帝祖母傅太后諡及

元始中王莽發傅太后陵徙歸定陶以民禮葬之追

誅前議者

馬宮傳

董仲舒在家朝廷如有大議使使及廷尉張湯就其

家而問之

董仲舒傳

趙充國罷就第朝廷每有四夷大議常與參兵謀問

籌策焉

本傳

張禹家居以特進為天子師國家每有大政必與定

議

本傳

西漢會要卷四十二

宋 徐 天 麟 撰

職官十二

告寧 休沐

告歸

高紀高祖嘗告歸之田李斐曰休謁之名吉日告

石有予告有賜告予告者在官有功最法所當得也賜

告者病滿三月當免天子優賜其告賜得帶綬印將官

屬歸家治病至成帝時郡國二千石賜告不得歸家至

和帝時予賜皆絕師古曰告者請謁之言謂請休耳或

謂之謝謝亦告也

至日休吏 薛宣傳師古曰冬夏之日至不省官事故休吏

五日洗沐 鄭當時傳

郎官五日 石慶傳

汲黯為主爵都尉多病病且滿三月上常賜告者數最

後嚴助為請告 汲黯傳

故事公卿病輒賜告谷永為大司農病三月有司奏請

免獨即時免 谷永傳

琅邪太守馮野王病滿三月賜告與妻子歸杜陵就醫

藥御史中丞劾奏野王賜告養病而私自便持虎符出

界歸家奉詔不敬杜欽曰竊見令曰吏二千石告過長

安謁不分別予賜今有司以為予告得歸賜告不得是

一律兩科失省刑之意夫三最予告令也病滿三月賜

告詔恩也令告則得詔恩則不得失輕重之差又二千

石病賜告得歸有故事不得去郡亡著令即以二千石

守千里之地任兵馬之重不宜去郡將以制刑為後法

者則野王之罪在未制令前也不聽竟免野王郡國二

千石病賜告不得歸家自此始 馮奉卿傳

郎官故事令郎出錢市財用給文書乃得出名曰山郎

張晏曰山財用之所出故取名焉 移病盡一日輒償一沐或至歲餘不

得沐其豪富郎日出遊戲或行錢得善部師古曰郎官之職各有主

部楊惲為中郎將罷山耶移長度大司農以給財用其

疾病休謁洗沐皆以法令從事楊惲傳

孝哀初即位合博士弟子父母死予寧三年本紀

奉朝請朝朔望

時會朝請宣紀如淳曰春日朝秋曰請

丞相張禹遜位以特進奉朝請

傅喜位特進奉朝請

馮參以列侯奉朝請

杜緩前免太常以列侯奉朝請

關內侯蕭望之給事中朝朔望坐次將軍

萬石君奮歸老子家以歲時為朝臣

蘇武以著節老臣令朝朔望並本傳

久任

孝文時吏居官者或長子孫以官為氏倉氏庫氏則倉

庫吏之後也其二千石長吏亦安官樂職然後上下相

望莫有苟且之意王嘉傳

武帝即位數歲為吏者長子孫居官者以為姓號平準書

百... 卷... 三

孝宣地節二年上始親政事侍中尚書功勞當遷及有異善至于子孫終不改易紀本

宣帝以為太守吏民之本也數變易則下不安民知其將久不可欺罔乃服從其教化循吏傳

黃霸曰數易長吏送故迎新之費及奸吏緣絕簿書盜財物公私耗費甚多皆當出於民黃霸傳

丞相

蕭何曹參公孫賀並十三年

張蒼孝文四年十二月相後元二年八月免凡十五

年

陳平孝惠六年相孝文二年薨凡十二年

右慶孝武元鼎五年相太初二年薨凡十年

于定國魏相並九年並百官表

光祿勳

徐自為二十六年 王恬啓二十五年

張武二十三年 周仁十三年

于永十六年並百官表

太僕

夏侯嬰自高帝為沛公時常奉車至孝文八年薨本傳

廷尉

于定國十七年百官表

大鴻臚

商邱成十二年百官表

大司農

高帝元年執盾襄為治粟內史至孝景後二年大農

令惠凡六十五年百官表

中尉

張歐九年百官表

御史中丞

咸宜為御史及中丞者幾二十歲本傳

郎

張釋之為騎郎十年不得調本傳

揚雄為郎給事黃門三世不徙官本傳

尚書

故事尚書以久轉遷孔光傳

太樂

樂家有制氏以雅樂聲律世世在太樂官禮樂志

刺史

故事刺史居部九歲舉為守相朱博傳

郡守

黃霸為潁川八年本傳

張敞為京兆九歲本傳

恩賜

帶劔履上殿入朝不趨

高帝五年奏位次令蕭何第一賜帶劔履上殿入朝

不趨本傳

奏事不名入殿不趨

高帝褒賞元功相國蕭何邑戶既倍又蒙殊禮奏事

不名入殿不趨王莽傳

入殿門不趨殺人不死

高帝欲自擊陳豨周緤泣諫上以為愛我賜入殿門

不趨殺人不死周緤傳

几杖不朝

吳王濞稱疾不朝京師及後使人為秋請上賜吳王

凡杖老不朝本傳

孝武元朔二年賜淮南王菑川王凡杖毋朝武帝紀師古曰

安志皆父帝諸父列也

天子旌旗

梁孝王武得賜天子旌旗從千乘萬騎出稱警入言

趨本傳

江都易王非以軍功賜天子旗本傳

祭酒

吳王濞賜號為劉氏祭酒見史記荀卿傳注

宣帝以蘇武著節老臣號為祭酒本傳

外繇

卜式持錢二十萬與河南太守以給徙民上乃賜式

外繇四百人本傳

安車駟馬

薛廣德為御史大夫乞骸骨賜安車駟馬黃金六十

斤罷本傳

杜延年為御史大夫乞骸骨賜安車駟馬本傳

永始中左將軍史丹乞骸骨賜安車駟馬歸第本傳

大司空彭宣乞骸骨王莽恨宣求退故不賜安車駟

馬本傳

武庫兵

母將隆曰漢家邊吏職在距寇亦賜武庫兵皆任其

事然後蒙之本傳

車屏官屬

宣帝以賢良高第揚州刺史黃霸為潁川太守賜車

蓋特高一丈別駕主簿車緹油屏泥於軾前黃霸傳

金金常賜也命但舉其畧

賜張良金百鎰

本傳服虔曰二十四兩曰鎰師古曰秦以鎰名金若漢之論斤也

賜將軍四十金

惠紀晉灼曰凡言黃金真金也不言黃謂錢也食貨志黃金一斤直錢萬

師古曰諸賜言黃金者皆與之金不言黃者一金與萬錢也

宣帝時郡國有治理效輒增秩賜金循吏傳

常賜

養生

上尊酒

甲第

奴婢

錢

繪帛

東園祕器

冢地

致仕

萬石君奮以上大夫祿歸老于家以歲時為朝臣

周仁病免以二千石祿歸老

張歐以上大夫祿歸老于家

韋賢七十餘為相地節三年以老病乞骸骨賜黃金百

斤罷歸賜第一區丞相致仕自賢始

薛廣德為御史大夫乞骸骨賜安車駟馬黃金六十斤

罷

杜延年為御史大夫乞骸骨天子優之使光祿大夫持

節賜延年黃金百斤牛酒加致醫藥延年遂稱病篤賜

安車駟馬罷就第

以上並本傳

疏廣疏受父子並為師傅俱上疏乞骸骨上以其年皆

老許之加賜黃金二十斤皇太子贈以五十斤公卿大

夫故人邑子設祖道供張東都門外送者車數百兩

孝平元始元年令天下吏比二千石以上年老致仕者

三分故祿以一與之終其身

本紀

龔勝邴漢俱乞骸骨惟元始二年六月庚寅光祿大夫

太中大夫耆艾二人以老病罷太皇太后使謁者僕射

策詔之曰蓋聞古者有司年至則致事所以恭遜而不盡其力也今大夫年至矣朕愍以官職之事煩大夫其上子若孫若同產同產子一人大夫其修身守道以終高年賜帛及行道舍宿歲時羊酒衣衾皆如韓福故事所上子男皆除為郎龔勝傳

圖功臣

孝宣甘露三年單于始入胡帝思股肱之美乃圖畫其人於麒麟閣法其形貌署其官爵姓名唯霍光不名凡十一人鮪武傳

大司馬將軍博陸侯姓霍氏霍光傳

衛將軍富平侯張安世本傳

車騎將軍龍維侯韓增韓信傳

後將軍營平侯趙充國外戚恩澤侯表

丞相高平侯魏相

丞相博陽侯丙吉

宗正陽城侯劉德

御史大夫建平侯杜延年

少府梁邱賀

太子太傅蕭望之

典屬國蘇武以上並本傳

初趙充國以功德與霍光等列畫未央宮成帝時西羌有警上思將帥之臣追美充國乃召黃門郎楊雄即充

國圖畫而頌之趙充國傳

孝平元始四年詔畫祀百辟卿士有益于民者蜀郡以

文翁九江以召父應詔書召信臣傳

西漢會要卷四十三

朱 徐 天 麟 撰

職官十三

改官名

秦兼天下立百官之職漢因循而不革明簡易隨時宜也其後頗有所改百官表上

孝景中六年更命廷尉為大理將作少府為將作大匠主爵中尉為都尉長信詹事為長信少府將行為大長秋大行為行人奉常為太常典客為大行治粟內史為

大農以大內爲二千石置左右內官屬大內

史記本紀

孝武太初元年定官名

本紀

初漢興襲秦官置丞相御史大夫太尉至武帝罷太尉始置大司馬以冠將軍之號非有印綬官屬也及成帝時何武爲九卿建言古者民樸事約國之輔佐必得賢聖然猶則天三光備三公官各有分職今末俗之弊政事煩多宰相之材不能及古而丞相獨兼三公之事所以久廢而不治也宜建三公官定卿大夫之任分職授政以考功效其後上以問師安昌侯張禹禹以爲然時

曲陽侯王根爲大司馬票騎將軍而何武爲御史大夫於是上賜曲陽侯根大司馬印綬置官屬罷票騎將軍官以御史大夫何武爲大司空封列侯皆增奉如丞相以備三公官焉議者多以爲古今異制漢自天子之號下至佐史皆不同於古而獨改三公職事難分明無益於治亂是時御史府吏舍百餘區井水皆竭又其府中刈柏樹常有野鳥數千棲宿其上晨去暮來號曰朝夕烏烏去不來者數月長老異之後二歲餘朱博爲大司空奏言帝王之道不必相襲各繇時務高皇帝以聖德

受命建立鴻業置御史大夫位次丞相典正法度以職相參總領百官上下相監臨歷載二百年天下安寧今更爲大司空與丞相同位未獲嘉祐故事選郡國守相高第爲中二千石選中二千石爲御史大夫任職者爲丞相位次有序所以尊聖德重國相也今中二千石求更御史大夫而爲丞相權輕非所以重國政也臣愚以爲大司空官可罷復置御史大夫遵奉舊制臣願盡力以御史大夫爲百僚率哀帝從之乃更拜博爲御史大夫會大司馬喜免以陽安侯丁明爲大司馬衛將軍置

官屬大司馬冠號如故事後四歲哀帝遂改丞相爲大

司徒復置大司空大司馬焉

朱博傳

哀帝元壽二年五月正三公官分職大司馬衛將軍董賢爲大司馬丞相孔光爲大司徒御史大夫彭宣爲大司空正司直司隸造司寇職事未定帝崩

本紀

初何武爲大司空又與丞相方進共奏言古選諸侯賢者以爲州伯書曰谷十有二牧所以廣聰明燭幽隱也今部刺史居牧伯之位秉一州之統選第大吏所薦位高至九卿所惡立退任重職大春秋之義用貴治賤不

以卑臨尊刺史位下大夫而臨二千石輕重不相準失
 位次之序臣請罷刺史更置州牧以應古制奏可及博
 奏復御史大夫官又奏言漢家至德溥大宇內萬里立
 置郡縣部刺史奉使典州督察郡國吏民安寧故事居
 部九歲舉為守相其有異材功效著者輒登擢秩卑而
 賞厚感勸功樂進前丞相方進奏罷刺史置州牧秩真
 二千石位次九卿九卿闕以高第補其中材則苟自守
 而已恐功效陵夷姦軌不禁臣請罷州牧置刺史如故
 奏可朱博傳

孝平元始四年更公卿大夫八十一元十官位名次及
 十二州名分界郡國所屬罷置改易天下多事吏不能
 紀本紀

省官

漢吏員自丞相至佐史凡十三萬二百八十五人百官表上

孝文後六年大旱蝗損郎吏員本紀

孝武損郎員三王世家

孝昭元平元年詔曰者省用罷不急官本紀

戒敕官吏

孝文十二年詔曰吾詔書數下歲勸民種樹而功未興是吏奉吾詔不勤而勸民不明也且吾農民甚苦而吏莫之省將何以勸焉

本紀下同

孝景後二年詔曰今歲或不登民食頗寡其咎安在或詐僞爲吏吏以貨賂爲市漁奪百姓侵牟萬民縣丞長吏也奸法與盜盜甚無謂也其令二千石各修其職不事官職耗亂者丞相以聞請其罪

孝武元狩六年詔曰夫仁行而從善義立則俗易意奉憲者所以導之未明與將百姓所安殊路而擣虔吏因

乘勢以侵蒸庶邪今遣博士大等六人循行天下存問鰥寡廢疾及寃失職姦猾爲害野荒治苛者舉奏

孝宣地節四年詔曰朕惟百姓失職不贍吏或營私煩擾不顧厥咎令甲死者不可生刑者不可息此先帝之所重而吏未稱今繫者或以掠辜若饑寒瘕死獄中何用心逆人道也朕甚痛之其令郡國歲上繫囚以掠笞若瘕死者所坐名縣爵里丞相御史課殿最以聞

元康二年正月詔曰今吏修身奉法未有能稱朕意者朕甚愍焉其赦天下與士大夫厲精更始

西漢書卷之五
五月詔曰獄者萬民之命所以禁暴止邪養育羣生也
能使生者不怨死者不恨則可謂文吏矣今則不然用
法或持巧心析律二端深淺不平增辭飾非以成其罪
奏不如寔上亦亡繇知此朕之不明吏之不稱四方黎
民將何仰哉二千石各察官屬勿用此人吏務平法或
擅興繇役飾厨傳稱過使客越職踰法以取名譽譬猶
踐薄冰以待白日豈不殆哉

黃龍元年詔曰上古之治君臣同心舉措曲直各得其
所朕數詔公卿務行寬大順民所疾苦今吏或以不禁
姦邪爲寬大縱釋有罪爲不苛或以酷惡爲賢皆失其
中奉詔宣化如此豈不繆哉方今天下少事繇役減省
兵革不動而民多貧盜賊不止其咎安在上計簿具文
而已務爲欺謾以避其課三公不以爲意朕將何任諸
請詔省卒徒自給者皆止御史察計簿疑非寔者按之
使真僞無相亂

孝成建始元年詔羣公孜孜帥先百寮輔朕不逮崇寬
大長和睦凡事恕已毋行苛刻

孝哀元壽元年詔曰朕獲保宗廟不明不敏夙夜憂勞

未呈寧息惟陰陽不調元元不瞻未睹厥咎婁敕公卿庶幾有望至今有司執法未得其中或上暴虐假勢獲名溫良寬柔陷於亡滅是故殘賊彌長和睦日衰百姓愁怨靡所錯躬乃正月朔日有蝕之厥咎不遠在余一人公卿大夫其各悉心勉帥自察敦任仁人黜遠殘賊期於安民陳炭之過失無有所諱

戒貪吏

文帝十三年定律曰吏坐受賕枉法守縣官財物而卽盜之已論命復有笞罪者皆棄市

刑法志

景帝元年詔曰史受所監臨以飲食免重受財物賤買

貴賣論輕廷尉與丞相更議著令廷尉信謹與丞相議

曰吏及諸有秩受其官屬所監所治所行所將其與飲

食計償費勿論它物若買故賤賣故貴皆坐臧為盜沒

入臧縣官吏遷徙免罷受其故官屬所將監治送財物

奪爵為士伍免之無爵罰金二斤令沒入所受有能捕

告畀其所受臧

本紀

後三年詔曰吏發民若取庸采黃金珠玉者坐臧為盜

二千石聽者與同罪

景紀

策免大臣

宣帝五鳳二年策御史大夫蕭望之曰有司奏君責使者禮遇丞相亡禮廉聲不聞敖慢不遜亡以扶政帥先百僚君不深思陷于茲穢朕不忍致君子理使光祿勳惲策詔左遷君爲太子太傅授印其上故印使者便道之官君其秉道明孝正直是與帥意亡嘗靡有後言本傳成帝河平四年左將軍史丹等奏王商位三公爵列侯親受詔策爲天下師不遵法度以翼國家而回辟下媚以進其私執左道以亂政爲臣不忠罔上不道甫刑之

辟皆爲上戮罪名明白臣請詔謁者召商詣若盧詔獄

上素重商知匡言多險制曰勿治鳳固爭之于是制詔

御史蓋丞相以德輔翼國家典領百僚協和萬國爲職

任莫重焉今樂昌侯商爲丞相出入五年未聞忠言嘉

謀而有不忠執左道之辜陷于大辟前商女弟內行不

修奴賊殺人疑商教使爲商重臣故抑而不窮今或言

商不以自悔而反怨懟朕甚傷之惟商與先帝有外親

未忍致于理其赦商罪使者收丞相印綬本傳

永始二年策丞相薛宣曰君爲丞相出入六年忠孝之

行率先百僚朕無聞焉朕既不明變異數見歲比不登
倉廩空虛百姓飢饉流離道路疾疫死者以萬數人至
相食盜賊並興羣職曠廢是朕之不德而股肱不良也
乃者廣漢羣盜橫恣殘賊吏民朕惻然傷之數以問君
君對輒不如其實西州隔絕幾不為郡三輔賦斂無度
酷吏並緣為姦侵擾百姓詔君案驗復無欲得事實之
意九卿以下咸承風指同時陷于謾欺之辜咎繇君焉
有司法君領職解媢開謾欺之路傷薄風化無以帥示
四方不忍致君于理其上丞相高陽侯印綬罷歸本傳

永始三年賜左將軍史丹策曰左將軍復病不衰願歸
治疾朕愍以官職之事久留將軍使躬不瘳使光祿勳
賜將軍黃金五十斤安車駟馬其上將軍印綬宜專精
神務近醫藥以輔不衰本傳

綏和二年賜丞相翟方進策曰皇帝問丞相君有孔子
之慮孟賁之勇朕嘉與君同心一意庶幾有成惟君登
位于今十年災害並臻民被飢餓加以疾疫溺死關門
牡開失國守備盜賊黨輩吏民殘賊毆殺良民斷獄歲
歲多前上書言事交錯道路懷姦朋黨相為隱蔽皆亡

忠慮羣下兇兇更相嫉妬其咎安在觀君之治無欲輔
朕富民便安元元之念間者郡國穀雖頗孰百姓不足
者尚衆前去城郭未能盡還夙夜未嘗忘焉朕惟往時
之用與今一也百僚用度各有數君不量多少一聽羣
下言用度不足奏請一切增賦稅城郭墾及園田過更
算馬牛羊增益鹽鐵變更無常朕旣不明隨奏許可後
議者以爲不便制詔下君君云賣酒醪後請止未盡月
復奏議令賣酒醪朕誠怪君何持容容之計無忠固意
將何以輔朕帥道羣下而欲久蒙顯尊之位豈不難哉

傳曰高而不危所以長守貴也欲退君位尚未忍君其
孰念詳計塞絕姦原憂國如家務便百姓以輔朕朕旣
已改君其自思彊食慎職使尚書令賜君上尊酒十石
養牛一君審處焉

本傳

哀帝建平元年策免大司空師丹曰夫三公者朕之腹
心也輔善相過匡率百僚和合天下者也朕旣不明委
政于公間者陰陽不調寒暑失常變異屢臻山崩地震
河決泉涌流殺人民百姓流連無所歸心司空之職尤
廢焉君在位出入三年未聞忠言嘉謀而反有朋黨相

進不公之名乃者以挺力田議改弊章示君君內爲朕
建可改不疑以君之言博考朝臣君乃希衆雷同外以
爲不便令觀聽者歸非于朕朕隱忍不宜爲君受愆朕
疾夫比周之徒虛僞壞化寢以成俗故屢以書飭君幾
君省過求已而反不受退有後言及君奏封事傳于道
路而聞朝市言事者以爲大臣不忠幸陷重辟獲采虛
名謗譏匈匈流于四方腹心如此謂疏者何殆諉于二
人同心之利焉將何以率示羣下附親遠方朕惟君位
尊任重慮不周密懷諛迷國進退違命反覆異言甚爲

君恥之非所以共承天地永保國家之意以君嘗託傳
位未忍考于理已詔有司赦君勿治其上大司空高樂

侯印綬罷歸

本傳

建平二年策大司馬傅喜曰君輔政出入三年未有昭
然匡朕不逮而本朝大臣遂其姦心咎由君焉其上大
司馬印綬就第

本傳

策免丞相孔光曰丞相者朕之股肱所與共承宗廟統
理海內輔朕之不逮以治天下也朕旣不明災異重仍
日月無光山崩河決五星失行是章朕之不德而股肱

之不良也君前為御史大夫輔翼先帝出入八年卒無
 忠言嘉謀今相朕出入三年憂國之風復無聞焉陰陽
 錯繆歲比不登天下空虛百姓飢饉父子分散流離道
 路以十萬數而百官羣職曠廢姦軌放縱盜賊並起或
 攻官寺殺長吏數以問君君無怵惕憂懼之意對無能
 為是羣卿大夫咸惰哉莫以為意咎由君焉君秉社稷
 之重總百僚之任上無以匡朕之闕下不能綏安百姓
 書不云乎毋曠庶官天工人其代之於虐君其上丞相
 博山侯印綬罷歸

本傳

策左將軍彭宣曰有司數奏言諸侯國人不得宿衛將
 軍不宜典兵馬處大位朕唯將軍任漢將之重而子又
 前取淮陽王女婚姻不絕非國之制使光祿大夫曼賜
 將軍黃金五十斤安車駟馬其上左將軍印綬以關內
 侯歸家

本傳

策免大司空何武曰君舉錯煩苛不合眾心孝聲不聞
 惡名流行無以率示四方其上大司空印綬罷歸就國

本傳

建平三年詔御史大夫王崇曰朕以君有累世之美故

踰列次在位以來忠誠匡國未聞所繇反懷詐諉之辭
欲以攀救舊姻之家大逆之辜舉錯專恣不遵法度亡
以示百僚左遷爲大司農

王吉傳

哀帝元壽二年册免大司馬丁明曰前東平王雲貪欲
上位祠祭祝詛雲后舅伍宏以醫待詔與校祕書郎楊
閣結謀反逆禍甚迫切賴宗廟神靈董賢等以聞咸伏
其辜將軍從弟侍中奉車都尉吳族父左曹屯騎校尉
官皆知宏及栩丹諸侯王后親而宣陰用丹爲御屬吳
與宏交通厚善數稱薦宏宏以附吳得興其惡心因醫

技進幾危社稷朕以恭皇后故不忍有云將軍位尊任
重旣不能明威立義折消未萌又不深疾雲宏之惡而
懷非君上阿爲宜吳反痛恨雲等揚言爲羣下所寃又
親見言伍宏善醫死可惜也賢等獲封極幸嫉妬忠良
非毀有功於戲傷哉蓋君親無將將而誅之是以季友
鳩叔牙春秋賢之趙盾不討賊謂之弑君朕閱將軍陷
于重刑故以書飭將軍遂非不改復與丞相嘉相比令
嘉有依得以罔上有司致法將軍請獄治朕惟噬膚之
恩未忍其上驃騎將軍印綬罷歸就第

董賢傳

哀帝崩王莽使謁者以太后詔即闕下策董賢曰間者以來陰陽不調菑害並臻元元蒙辜夫三公鼎足之輔也高安侯賢未更事理為大司馬不合眾心非所以折衝綏遠也其收大司馬印綬罷歸第

董賢傳

哀帝崩彭宣上書願上大司空長平侯印綬乞骸骨歸鄉里歿寘溝壑莽白太后策宣曰惟君視事日寡功德未効迫于老眊昏亂非所以輔國家綏海內也使光祿勳豐策詔君其上大司空印綬便就國

彭宣傳

元如中莽以太皇太后詔賜太師大司徒馬宮策曰太

師大司徒扶德侯上書言前以光祿勳議故定陶共王母謚曰婦人以夫爵尊為號謚宜曰孝元傅皇后稱渭陵東園臣知妾不得體君卑不得敵尊而希指雷同詭經辟說以惑誤上為臣不忠當伏斧鉞之誅幸蒙灑心自新又令得保首領伏自惟念入稱四輔出備三公爵為列侯誠無顏復望闕廷無心復居官府無宜復食國邑願上太師大司徒扶德侯印綬避賢者路下君章有司皆以為四輔之職為國維綱三公之任鼎足承君不有鮮明固守無以居位如君言至誠可聽惟君之惡在

灑心前不敢文過朕甚多之不奪君之爵邑以著自古

皆有死之義其上太師大司徒印綬使者以侯就第

傳

馬宮



